

銅仁府志

第四本



徐穆 字鍾汝生而穎異入塾受書即過目成誦中萬曆甲午舉人辛丑成進士除浙江崇德縣知縣以循卓行取禮部主客司主事選員外郎出知福建興化府時方苦旱祈禱皆窮穆甫至即步禱於郊炎風捲地火雲蔽空肅衣冠行烈日中屬吏請入城少息穆曰我以禱雨出不雨不入也已而小雨仍不息屬吏以既雨請穆曰我以禱雨來雨不足不歸也移時遂大雨入土三尺郡人呼爲下車雨穆爲政務寬大簡而不擾部內晏然秩滿擢雲南按察使司副使人觀上語以閩俗獷悍撫馭爲難穆對曰臣未官閩前聞亦若此及守興化治固易也上復問吏治甚詳奏皆稱旨蒞任雲南清操自勵惠澤尤多時慶雲見撫按將以上聞商於穆穆答以大理苦旱激江苦水因未成災皆不以聞今以難知之天象爲祥瑞而遽聞於朝無乃不可遂止尋轉河南布政使司參政濱河郡縣居民歲輸束草以供築堤塞壩之需有司借名勒索久爲民害穆禁革之遷雲南招察使歷官中外二十餘年所至民懷吏畏治行卓著有閩游旗游詩草二卷卒祀鄉賢穆行轅楊 嶽 號鏡山萬曆己酉舉人官直隸灤州知州初至任判決庶獄州人驚以爲神灤州濱海與滄州接壤海賊出沒無常因時方用兵覲力不暇及乘間規掠無虛日 嶽下車即以計擒其首從十餘人餘賊悉遠遁民賴以安崇禎三年五月大清兵克遵化水 嶽見重圍日逼城中兵少芻糧尤缺乏矢石干櫓鉛藥鎗礮守具無一備者乃聞於督師請速援援未至而大兵已拔薊安進攻灤州矣州城戒嚴居民惶懼欲奉 嶽出避 嶽曉之曰不可刺史爲朝廷守土之臣與城俱亡分也豈有出避乎况兵未至不能先事以防之兵既至又不能力戰以禦之死且有餘憾矣爾等速去勿恤我民間言皆痛哭願効死勿去 嶽督率居民憑城固守未幾食盡援絕城陷 嶽死之督師上其事於朝贈光祿寺少卿賜祭葬廕一子詔祀灤州名宦暨本籍鄉賢祠子名時以廩生官四川成都府同知節餘樂捐

萬任 字懷翁崇禎庚午舉人甲戌進士除南直隸嘉定縣知縣縣苦漕甬且多浮糧任至出示禁革之

未期年而民風於變政簡刑清廷無鞭朴之聲野無追呼之苦日長無事集縣中士以詩文知名者相與繼鼓唱和命吏胥鈔錄成集暇復課差役栽竹種樹每春夏之交草長鶯啼水流花放任乘筇與往郊外綠陰下藉草爲茵席地與諸父老量晴雨話桑麻時舉古人忠孝節義事爲津津道之無倦縣稱繁劇素號難治任操己以廉御人以寬坐理之裕如也以循卓擢河南道監察御史奉命巡察四門驄馬所至奸宄屏跡一

時畿輔肅然其由縣令內遷臥轍攀轅多至泣下何惠澤入人之深而民心感化之速有如是也卒祀鄉賢
葬郡城北十餘里照壁巖即徐榮墳

楊如皋 字師虞嘉靖癸卯舉人四川南溪縣知縣秀冕孫幼穎異長勵志讀書言動不苟祖冕指謂書子
曰是兒不凡以器局儀表卜之異日必居清要為臺省中人吾家其興乎已而果於萬歷癸卯領鄉薦甲辰

聯捷成進士除順天府玉田縣知縣縣有老吏精於刑名歷任皆置幕中優待之舉無鉅細咸取決焉由是
淆亂是非頗為地方害嘗奪某生田生訴於縣前令回護不直生經年索懸老吏反唆人誣以訟棍因斥革

之置於獄縣紳具白生冤不允如皋蒞任詰得情實置誣告於法並懲老吏為生詳復闔縣以為雪一奇冤
鋤一巨蠹莫不稱快縣中鹽商貨鹽向用十四兩秤每鹽一斤泥水居半小民苦之訟於官令尉吏胥俱受

賄不問如皋至悉屏舊日陋規禁雜泥水定用十六兩秤違者懲不貸商初謂新官出示具文而已仍不悛
民赴縣訴之如皋取首違令者荷校以徇咸為悚然積弊立除以循卓內陞雲南道監察御史正色立朝論

事持大體不屑以矯激為名巡按河南疏薦循良糾參貪墨政尚簡靜一如作縣令時著有課農瑣記卒祀
鄉賢即徐榮墳

徐以遷 字赤海崇禎丙子舉人授廣東潮陽縣知縣明桂王時超擢廣東按察司僉事分守肇羅道時海
賊嘯聚劫掠無虛日以暹軍騎詣賊欲其就擒值日暮遂留宿迨夜深人靜軒舳之聲與海潮相答賊聞之

驚相謂曰真異人也比曉坐帳中諭以大義莫不悚然聽命事聞運廣西按察使司副使分巡桂林道勅賈
朝宜劉承允等貪殘驕縱疏入不報遂乞歸督師何忠烈騰蛟贈以詩云十載勳名留兩粵一封疎奏上重

墀時銀揮手歸田好運厄關心慮國危讀此可以諒其隱矣家居杜門有司欲見不得知府某於東山最高
處建大觀樓招同寮與郡士嘉其成以進辭之教請乃往某笑謂曰斯樓據一郡之盛矣以進正色對曰殆

可以望烽燧而念瘡痍也某默然人以是服其直索賣茶園山莊晚年移家居之山在郡東地溪口之南由
燕子巖取徑紆折而上山半有泉如鳴琴層疊而下約五十餘丈越此即其別業山居無事種竹栽花每當

春風扇和時鳥變聲往往招二三村叟於綠陰深處驟雨暘晴致足樂也後值土賊滋事率鄉人結營紫山
寨之全活甚衆以進身長九尺體貌豐碩有膽識遇事能決壽至九十四歲著述頗富兵火之餘悉散失無
存行略

賈福麟烟火萬家舊制巡緝無專官盜警火災不時聞作爲行旅居民憂慮臣擬以請營駐其地俾可彈壓且成犄角勢條上幾得如請以觸執政忌格弗行並從而中傷之乙巳秋入京陛見遂錄級發宣化城工効力未幾鉅費難集工不舉監督以聞逮問刑部時丙午夏也部議以不能設法修城擬流杖奉上諭朕及巨遲誤工程本應治罪姑念從前居官恪謹尙可矜卹著釋放回籍原臣生平篤於孝友輕財好施祿賜所入悉以分贖親族待鄉隣敦厚溫和遠近無少長靡不相敬爰里居杜門不出日督子姪誦讀雖餽粥不繼晏如也卒年六十有三

探微錄

劉之仁 字德菴號潤亭先世爲江西南昌縣人繼遷武陵其大父名登松者復移居仁乾隆四年己未之仁始生幼業儒以家貧不能就外傳年十七入營伍十九拔本協外委操演嫻習賞罰不異私狷人見才能敏幹出同官上有部外委之稱性嚴重尋常見親友必肅衣冠坐立未嘗僞倚談終日無戲語情容識者謂之仁必貴三十七年壬辰金川賊蠢動徵調貴州官兵籍無之仁名其友彭定南勸之行且曰君骨相清奇又素懷濟時略機會弗可失也之仁乃請行上官許之既至金川時賊方張前敵疎於防禦我軍潰敗之仁與大隊相失偕一卒飢疲且甚伏叢莽中忽有人呼曰起視之則一老者童頭跣足肩一竹籃語之仁曰賊至矣盍急避之之仁以飢疲告老者於籃中撮細末一匙食之復以少許食其從卒咸覺精神陡爽適後路殺聲漸逼乃倉皇走莫知處人所在逾脫險追憶始悟是時烏得有老者殆神人呵護歟未幾海公蘭察攻喀爾密等處之仁皆隸麾下補本協千總適賊乘機擄一座極險峻不利進攻當事欲招致酋首以計圖之海公知之仁膽略其相委令以五品頂戴隨侍卒周崇殷入賊中議事酋首索諾木嚴兵以待之仁宣布朝廷恩威諭以順逆利害侃侃百餘言索諾木改容禮之請從命因留之仁宿開筵款洽器血皆金玉宴畢舉以贈之仁之仁卻弗受前後三往功垂成矣忽當事者中變欲乘隙不備以兵襲之謀既泄復畏縮不前曾以之仁爲歎已也幽之暗室率羣賊挑戰之仁乘間遣周崇殷逃回通聲息於海公崇殷不忍之仁獨留固請俱逃之仁堅執不可謂曾方疑我爲歎非留以示信前功俱棄矣崇殷請再三之仁拔佩刀呵之曰我豈不愛生苟同逃則賊疑而追捕兩死無益爾還報海公設策且晚可歸也不然我甯肯辱於賊手乎崇殷既還報海公親趨敵前與酋面語示無加兵意酋疑解之仁始得歸然困賊中已

七日矣未幾當事令之仁撲某礮將以陷之之仁不敢辭海公知之愈事所部相助之仁奮不顧身首先登礮大兵繼之賊遂瓦解方木果木之失機也原任川督劉秉田時在糧台之仁謂海公宜虛心相諮可得將伯之助迄金川底定海公奏事上每嘉許之稱其洞中機宜蓋商於秉田者多以是服之仁之能知人焉是役也之仁由千總游陞至雲南昭通游擊尋遷雲南鶴慶越兩鎮總兵署大理提督其鎮越三次時有盡西野匪剽掠邊區爲民害民請兵甚急知州吳楷羅之之仁便宜行事捕野夷數十人置於法餘匪咸率屬事平未嘗折一矢也騰越志備載其事後告病歸里於嘉慶三年入京兩次召見問金川事甚詳上加恩發往四川尋奉欽命解四川軍餉銀三十萬兩經陝西巡撫奏留陝西軍需旋補甯陝鎮總兵時甯陝係新築城池措置一切悉有法度以勦捕南山賊積勞成病未幾歿於營中壽六十三歲七年蒙恩准其營病故例賜卹銀二百兩部議廕一子子如瑛於引見後給六品頂戴廕文生員准予南北鄉試先是之仁自騰越歸厭城市煩囂置別業於鷲鷲崖課讀督耕屏絕外事嘗歎曰田雖薄不可以薄而廢耕也子雖愚不可以愚而廢學也有子有田於卽歸之善狀而晚學之樂境也因自頌其莊爲樂善云

徐如謝撰

路朝貴 初冒田姓貴後復姓路少有雄略英武善戰入松桃營充馬戰兵乾隆六十年黔楚苗變上命大學士公福康安帥師討之二月初五日賊犯正大營總兵珠隆阿令朝貴燧尖巖山苗寨距正大營四五里遠福康安帥師至併力追之正大營圍立解不旬日賊復窺伺練兵花連布令朝貴前往攻截並解吳腦營圍賊犯松桃花連布趨援城下都司孫清元出城接應夾攻之賊敗走松桃解二十六日攻克蘭草坪苗營石三保竄據黃瓜寨地最險要官軍屢攻不能入三月初十日大雨午後雨止是夜三更後出賊不意分道前逃賊率衆抗拒明日辰刻風雨交作官軍冒雨突擊賊不能禦向山後竄逸遂克黃瓜寨朝貴殺賊多名拔歸化營總六月克老王寨擒首逆吳天牛兄吳老正九月克高多寨擒吳牛生拔畢赤營于總嘉慶元年小竹山殺匪高承義倡亂賊等知縣王繼德游擊陳紹先以傷重死提督花連布帥師討之賊抗拒朝貴射死高承義總擒楊通運姚世龍等賞藍翎二年與義苗變初賊中有章七緒類者少無賴游蕩遠南北無所得食歸揚言得異術能避兵刃以紙扇揮之雖火器不能傷苗信之遂糾衆叛時大兵調赴湖北倉卒無備賊犯興義黃草壩甚急事聞上命督勒保回剿剿之朝貴從征敗賊於洞索嶺四月擒梁廷和擢

雲南昭通營守備又由尋常解與義團賞勇巴圖魯名號解首事軍團獲安南營都司八月擒楊明王義仙
軍七結獲王抱羊等與義平賞花翎十月獲提標右營游擊三年調安義鎮中營游擊四年獲南標匪亂由
分水領進攻拉燕河五年攻拱干攻瑞卡俱有功四月凱撤補雲南新習營參將時川匪滋擾奉命督師討
之六月次瀘川府賊竄甯家場勦賞率輕騎追之先後擒斬吳國等八人甘肅中衛協副將六年賊據
桐林聖擒徐萬富等六人誅之獲陝西陝安集兵七年賊竄谷口山獲首逆張天倫等五人誅之賞提督
銜八年調四川北嶺總兵十四年獲湖北提督蒞任後整飭營伍訓練兵丁整頓一營未幾薨於位朝
諡悼卹如例

忠義

楊芳 字誠村生而沈毅有幹略好讀書通經史大義應試不售遂入伍充書職楊遇春一見賞識之拔
補把總時川楚教匪稱亂王師征之累歲不能靖芳從遇春剿賊每戰輒爲軍鋒斬賊不可數計累擢台拱
守備賞藍翎嘉慶四年經略額勒登保進剿賊渠冷天祿包正洪於大竹適正洪已與儀龍賊台竄鄰水乃
冒雨突擊天祿於岳池遇春以勁騎二千一戰殲之進追至石特河賊以五舟迭渡僅濟千賊餘賊散千方
臨岸登舟時芳已晉都司率九騎越山先至卸磨轍大呼馳擊賊隔山不知我後隊虛實爭赴河隔淖者三
千餘人五舟以爭濟皆覆隔河賊呼號不能救俄大軍至騎浮而濟並追殲其先渡之賊是役功稱最賞花
翎下江營游擊五年閏四月與渠開甲張天倫等趨渭南芳隨遇春倍道扼其東竄並遣兵守商維賊
賊復西竄留張漢潮餘黨三千於後以綴官軍芳扼西河口去路而大軍三路偪攻連破之大小中溪斬首
一千五百餘合竄溪口伏兵四面燈之溝水盡赤生擒千餘人賊逆餘黨焉芳由兩廣督標參將督廣西
副將賞誠勇巴魯圖名號八月連敗賊於成縣階州渡白水河入老林芳冒雨追賊及之於磨刀石手刃
十餘賊矛傷足墮馬仍徒步殺賊復傷督官軍乘之大敗賊射傷伍懷志上聞而嘉之詔問受傷狀下所司
優敘六年五月張天倫與曾芝秀陳國華等率衆六千屯屯高唐嶺芳及遇春分路擊之擒斬三千賊復分
爲二芳夜襲天倫於白河浮賊殆盡遇春遂與芳遊擊冉添元於平利克之六月經略儀賊入川爲一舉擄
擄計八月遣芳擊張天倫於西鄉俘斬千餘賊僅四百餘林通芳其所追太平開縣之賊竄至南江經
略令芳殲東奔之辛斗於通江而自帥遇春追頭東之高見奇勳學盛於廣元擒斬始盡七年三月遇春移

則希文明賊自平陽合而東窺芳分路追截敗之於是楚賊略殄盡其南山遺孽經芳及遇春分兵十餘路
橋比排搜亦所餘無幾矣逆渠荷朝久被芳剿愈遂與宋應伏合窺漢南爲官兵所殄八年六月芳窮搜至
老林匿賊百餘突出熱屋洋驛芳追之入山八月有散遣之勇附之合三百人苟文潤領其衆勢復猖獗九
月通江已散之勇五百人復與合遂戕副將朱槐於山溝詔芳回漢北專防山內餘賊時賊皆百戰之餘忽
陝忽川忽聚忽散狂騰免脫無定蹤九年正月屢由安康窺漢南圖窺南山皆爲芳所卻先後擒匪百餘於
是南山無賊八月芳搜漢北餘匪盡殄之各路皆報肅清芳擢甯夏鎮總兵嘉慶五年特設甯陝鎮節制子
午驛陽黑河諸營汛以從征勇五千充新兵地險兵悍爲漢北第一嚴疆九年三省裁定經略參贊先後
還京師十年七月途有新兵之變時楊遇春以陝西提督入覲芳赴固原署提督事副將楊之震護甯陝總
兵營卒陳澤順陳先倫以停給鹽米銀事糾衆叛戕副將游擊賊黨蒲大芳等以芳素得士心先護送其家
屬於興安而後歸從賊遇春行至西安聞變即調兵進剿詔德榜奏爲欽差大臣討之賊奔寧陽破洋縣虜
脅數千芳帥固原兵二百人馳抵石泉九月賊攻孝義廳分隊窺子午隘芳馳扼隘口德榜奏令遇春以兵
五千自洋縣進剿而自帥兵四千繼之賊攻鄂縣芳復馳救力擊劫營賊盡戰竟夜身受數創黎明賊辨其
爲芳也自引去時賊黨已增至萬人又選步騎三千爲前鋒改推蒲大芳爲首遇遇春軍於方柴關兵賊隔
河尙有相揖訊者及戰數合獲傷略相當大芳陷陣力戰伏賊繞出陣後官兵大潰遇春僅率親兵數十登
山斷後賊追至忽反走乃收潰卒扼方柴關次日芳馳至謂遇春曰叛兵皆百戰之餘驍悍習地利而官兵
勤勞尙載瘡痍未復且與叛兵多同功一體之人以兵攻兵終無圖志賊兩戰見吾二人皆辟易尙有蕃部
曲誼請公按兵緩攻而某早騎入賊營曉以順逆遇春然之時賊矛林立或叩馬力阻芳曰我與楊公計之
熟矣天佑蒼生我必不死焉聞息兵即死且得所何恨遂策馬前萬衆作愕芳故得新兵心又裨闔蕃操縱
見大芳等即痛哭曰吾與若曹戮力數年同患難生死今對壘如仇敵吾不忍見若曹羅族滅禍請先殺我
於是衆皆哭逾二日大芳誘縛先倫連順以衆降德榜奏遂以叛卒窮蹙乞命奏首禍二百二十有四人盡
釋歸伍上切責其寬縱命戍降卒二百餘人於新疆尋爲伊犁將軍松筠所誅遇春降總兵芳坐馭兵不嚴
釀變謫戍伊犁德榜奏旣効芳恐物穢不平復密疏申雪芳至伊犁未匝月即賜環命以守備千總補用十

三年回籍省親補松桃協千總十五年起廣東右翼總兵大觀賞還花翎尋調西安鎮總兵十六年丁母憂十八年秋林清謀反既伏誅李文成踞滑縣詔陝督那彥成爲欽差大臣帥師討賊提督楊遇春副之芳呈成遣芳追剿芳伏騎白土岡誘賊出戰佯走伏起大敗之又追擊於南首山殺賊二千有奇是役也賊走山上殊死戰官兵畏賊鋒有退者芳拔佩刀立斫其人衆効死遂大捷奪司寨文成縱火自燔死乃合力攻滑時滑城未下而陝函三才峽賊又起滑城堅外磚內土中沙大炮攻之遇沙而止官軍掘地墜皆爲所破芳陽乘他柵進攻而潛掘舊墜滿實火藥至期將卒皆甲騎以待十二月十日平明墜中藥燃西南城崩裂十餘丈官軍奮前奪城賊附入巷戰至夜共殲賊二萬至老幼男婦二萬有奇俘首逆牛亮臣徐安國等檻送京師滑縣平加提督銜賞藍翎尉世職十九年春帥師入陝大破賊擒逆自真寶等詔優敘調漢中鎮總兵二十年調甘肅提督道光元年調直隸三年調湖南五年調固原六年回籍張格爾叛楊遇春時署陝甘督詔授欽差大臣帥師討賊尋以大學士長齡爲揚威將軍楊遇春爲參贊芳請行許之時賊陷西四城距阿克蘇八十里十月大兵集阿克蘇賊扼柯爾坪地險要中隔戈壁將軍令芳襲破之焚其南北莊敗其援師七年二月師至大河拐賊三千來襲營敗之進抵洋河巴特沙漢平曠賊二萬距橫岡五六里芳與將軍參贊分三路進攻賊據岡下壓者再大兵分路奪岡賊披靡擄斬過半盡得牲畜糗糧濟師進抵沙布都爾岡城多葦湖樹林賊數萬臨渠列陣決水成沮淤使騎兵不得勝城後林中皆有伏賊難繞襲芳先令步卒冒險越渠短兵接復磨驍騎繞左右淺渠橫截陣賊大潰追逾渾水河三十里俘賊萬計復分敗林中伏賊及河橋援應賊越二日賊數萬據阿瓦巴特回賊依岡背河我軍距賊十里止營夜遣吉林勁騎千分探左右閒道繞出賊後次日日壓賊壘而軍賊佯退誘我兵登岡而反乘之我軍鎗炮迭前籐牌兵虎衣躍入賊馬驚陣亂岡後伏賊起殊死戰而我千騎已繞出回壘後突擊其背賊大敗奔擒斬各半殲安集延二酋目追至洋瑪瑪河距喀什噶爾城八十里次日整隊至渾河北岸賊悉其衆十餘萬背城一戰阻河爲陣亘二十餘里築壘橫蔽之穴壘轟炮鼓角震天勢甚勞遣死士數百夜擾其營譙驚達旦是夜西南風起撼木揚沙大冪冪將軍以賊據形勢且衆寡不敵欲退屯十餘里須臾而進遇春持不可芳意與遇春合乃遣

梅玉林 號翠譜己酉科選拔長生玉立雙目炯炯有神識見深沈不喜以議論馳騁同治五六年間黔疆漸就肅清有悍賊數十皆百戰之餘逸入梵淨山時出劫殺附近居民畏其焚掠或有輸金帛求免者獨玉林與其內兄弟唐仁溥仁沛結山砦與抗賊無所得銜之深戊辰冬值天雨雪乘其不備攻砦立破仁溥仁沛幸脫走玉林被執賊知係玉林翠相謂曰吾等紛攘終無成子肯爲首乎願相下玉林罵不屈賊怒支解之死狀甚慘友人喻勳哭以詩云聊因避寇築山城豈道書生遽解兵力盡可憐身被執臨亡猶自罵聲刀光閃處劍光寒自古從容赴義難一死拚教伸士氣矣風端不愧儒冠形雲黯黯暮天昏景色淒涼慘莫言刺骨寒風吹不息何人翦紙爲招魂七字吟成永訣情須知握手待他生灑將千點重泉淚爲報鍾期舊日盟

張效銘 庠生咸豐六年隨同湖南官兵剿辦效匪出力蒙湖南巡撫賡保以請部選候補同治元年三月督團攻剿苗匪賊衆數萬力竭陣亡於巖腦坡同時死難者七十餘人

楊作霖 武庠初在湖北撫標營充隊目以戰功歷保儘先遊擊賞戴花翎咸豐六年聞銅仁教匪滋事請假旋里適逆首鄒黑虎趙子濂正率衆復攻郡城鎮遠鎮慶督兵迎擊檄作霖帶團助剿遇賊於江口賊方

波河霖於山後突出攻其不備賊落水者不計其數賊酋在後見前隊敗挫分股由上流僻靜處涉淺而過暗襲作霖後霖丁不過數百人被賊前後夾攻坐馬被傷驚逸霖乃棄馬步戰賊衆圍殺手刃數賊力竭而

亡屍被賊寸磔置之河干時同敗者至今猶涕泣能道其事云
楊春早 郡庠生咸豐七年鎮軍遺覆銅仁府王委以團務令其相機剿辦殺賊不少旋以衆寡不敵爲賊

所獲慘被炮烙寸磔而死
應鳳彩 年二十餘胆力過人隨父避難客寨湖南官軍進攻五洞教匪派人下鄉督辦船隻備造浮橋概

被賊擒時賊數不多彩聞之即馳往救不勝爲賊所獲賊首以彩袒護官軍剖腹剜心與羣賊烹食之
吳轉應 屢次帶團勦賊擒斬不少賊銜之刺骨於咸豐七年九月黑夜入其家將男女五人一并殺死

胡賢彰 同治二年二月賊至賢彰負母出逃力盡被執母子同時遇害
蔡永興 同治三年爲賊所擄問地方富戶避居何處言即免死永興祕弗告且罵不絕口賊怒殺之

喻宗賦 同治二年十月聞賊至已逃脫矣私念胞叔瑞廷在後未至回身往救因被賊鎗擊死
何景春 文童楚軍充當隨員解運糧餉至郭水地方爲賊所害

李允魁 年五十餘陷賊圍既潰圍出復思老母尚在圍中奮身殺入欲置母出奈賊層層密裹母子俱被

害
楊化通 武庠生同治五年十二月初四日方出外聞賊猝至即馳回比抵家賊跟蹤入宅生負母出後門

登山賊追至欲殺母生以身障復跪求代死賊索銀贖命生以倉卒回家未攜銀錢在身賊怒殺之卒捨其

蔣啓良 同治五年十一月賊至抵敵多時手办十九賦力盡陣亡賊刳其腹而鬻割之

黃鏡 同治五年十月賊猝至計無所之與其女二姑投於河已沉水底被賊拽起殺之

楊吐秀 縣庠生性醇謹家貧好讀書不干外事同治五年入泮適清江苗竄入郡境秀應試未回聞警念

家有老父星夜馳歸屋宇已成灰燼舉家不知所向宅後有山高數百丈秀登山尋覓不料山谷中藏有賊

數十人遂被執衣履剝盡乃釋之時值嚴冬雪深尺餘秀繞山呼父者三日不得遇他賊終爲所殺

王開元 候選從九爲坡頭鄉團首同治五年十月大股苗匪犯境開元帶團堵禦在譚家坳與賊對敵手

刃二賊身受數十傷而死

陳作霖 郡庠生交泰子世居大家洞時值荒亂棄儒業農壬戌夏賊竄至父久病廢霖棄妻女負父出逃

疾走不餘里抵堂叔所居之木匠溝方叩門賊蹶其後認爲宅主奪其父索銀物霖再三求免賊遂捨父而

縛霖迄無所得竟被鬻割以死

向化永 同治六年十月苗匪攻壘奮力抵敵中數丁傷體無完膚其妻田氏捨身救夫同時被害

向述愷 同治六年十月賊破壘與妻安氏罵賊不屈均被賊殺

李春芳 武生同治八年十月清江大股苗匪突至村人呼曰曷逃乎曰徧地皆賊吾將安逃卽持刀出門

與賊遇於深巷中短兵相接戰移時身受重創然猶手刃四賊力竭而仆時年八十一歲

黃形 文童同治八年十月清江苗黑夜突至其叔被殺其父避居壘內形聞是夜至爲賊破壘急奔往救

與其父俱爲賊殺

張能松 銅仁協慶瑞札委入賊巢探訪情形事露被賊鬻割死甚慘

湯烈 庠生鎮遠慶瑞派入賊營爲內應事露被賊慘殺

楊插芳 邑庠生同治丙寅正月清江逆苗下窺逼近龍魚鄉插芳素任團務聞賊虜過殘酷不忍鄉人遭

其塗炭帶團往督無如賊勢甚熾衆寡弗敵被擒不屈而死時第三子鳴昌相隨見父遇害奮然不顧赴敵

捐軀族人同亡者有字光富昌勝國勝考勝才月照諸人忠義親睦之風洵足激厲人心已

王文定 武生木抱鄉團首素有胆略辦團認真所練團丁皆能實在出力賊屢爲所窘每欲復仇同治八

年十一月夜未及準備爲賊所殺

曾紀嵩 監生實心辦團賊深銜之同治四年十一月被賊捕捉遇害

萬才高 監生秉公辦團與賊爲仇同治四年十一月被賊捉殺之

萬學高 監生同治四年十月賊衆破聖被執不屈遇害

楊政祺 年二十四歲魏答鄉人同治五年十二月賊至攔頭之擊先斃賊一大旗旋中鎗而死

楊通經 平茶鄉團首同治九年十一月帶團堵賊爲賊所殺

張成瑞 大家洞人青谿縣庠生賊至被執派令引路不屈被殺

蔡作霖 號雨蒼幼讀書應童試屢抑于有司乃棄儒入營伍以功授儘先千總保五品翎頂同治二年出

師違義在報國寺被賊圍攻營壘六晝夜糧盡援絕隨統帶官王國珍謀突圍而出國珍當殁于陣作霖手

刃數賊亦力竭捐軀作霖即水蘭從弟一門忠義殊可嘉已

楊烈光 武庠生咸豐四年粵西賊陷廬州與艾延暉同日殉難

黃永清 咸豐間投効江西軍營以功擢把總十年六月粵賊竄新城縣永清充建武軍哨長力戰身亡

羅桂元 于咸豐間投入金陵大營以功授廣西右營游擊雨花臺打仗陣亡

楊深秀 客寨人郡庠生賊至齊圍不及逢遇害

羅允祿 大品軍功咸豐五年教匪陷城在桐梓巷打仗陣亡

張瑞光平茶堰人訓蒙于外聞逆苗入境擬回家齊團堵禦行至高橋適與賊值途遇害備體重傷其死最慘

梅燦春 庠生同治三年九月賊衆入境春率團丁堵禦打仗陣亡

龔應璣 庠生同治元年賊衆攻卡力戰陣亡

余瓊芳 大家洞人庠生余作樸父作樸因體母受傷身殉瓊芳爲賊所執問同村富翁下毒絕口不言賊

怒殺之

唐會元 年六十四歲同治六年十月苗匪竄壘首先禦賊受鎗斃命

軍機位 年八十國歲馬駝不用被殺

轉定勇 從九街年六十歲帶圍擊賊陣亡

向述川 同治六年十月賊破聖率妻韓氏起火自焚

畢光清 無顧身先聞來屢取首級因乘寡不敵陣亡

...

...

...

...

...

...

...

...

...

...

...

...

...

...

...

...

...

...

...

孝友

明

喻國選 祀孝弟祠名載舊志事實無考

楊通

杰

監察御史楊如皋之族人也其母周氏臥疾兄弟爭拜禱求以身代閱三年不入內室萬歷三十

六年羣苗流劫至其家母被執去二人追闕數十里被傷不顧至鬼空溪見賊繫母大罵聲震山谷橫擊萬衆中爲賊所磔死通照年二十五通杰年二十二泰昌元年巡撫李樞巡按史永安上其事旌曰雙孝之門見明史孝義傳通志舊志皆失載

國朝

王士偉

號子先郡庠生家貧性至孝時值吳三桂之亂奉親山中力耕盡養甘旨未嘗稍缺出爲衣食謀

與親約歸期必先時至以慰倚閭卽遇人款留不忍從也母高年多疾士偉身侍湯藥夜嘗數起聞呻吟聲輒竟夕不寐一日爲母覓藥路遇虎呼天禱告虎卒帖耳去又過獨木橋有毒蛇盤其上祝之掉尾相讓人謂爲孝感所致母疾篤思梨不得使士偉終身不食梨二親歿士偉廬墓三年荒山風雨每與號泣相聞路人聞之皆涕下所結廬恆有白鳥來翔塚上徧生朱草人咸異之遇親誕辰忌日不茹葷酒守以終身伯兄早殞遠殯異地閱四十年極拮据力終得還葬祖塋仲兄乏嗣遵母遺命以長子永年承繼中康熙戊子科本省鄉試第三名舉人後任岢嵐州知州士偉生平尤樂爲善事散藥施棺力行不息兩拾遺金悉還本主郡守邑令聞其賢造廬請見乃以庶人義不敢見辭之皆歎息而去督學張大受旌其門曰人稱孝友老人張斌贊之云昔有子騫今則子先孝哉二子千古稱賢評隲允當卒之日閭郡罷市爲文公祭並述其大節無愧古人云

楊炯通

世居西關外小江龍魚鄉地名池塘爲庠生楊政岐子政岐苦苗變避於六轉山隨衆紮卡堵製

適出卡值苗逆追及鎗抵其背將發火政岐驚墮深澗忽有羣羊突起苗舍而逐羊因得脫焉政岐旣獲生當鎗抵處長一癰醫之罔效伏枕哀號謂藥皆喫徧但未喫人肉耳豈愈此必待人肉耶是殆痛極昏曠無可奈何語也炯通憫父情切立剖左股以進政岐知之大驚父子卒相繼亡其行雖非正道然出諸至性之

銅仁府志卷之十三

人物

列女 節孝 貞烈 賢明 才藝

志之爲書首天文次地理亦見天道成於上地道輔於下乾健坤貞未可偏廢故扶輿磅礴之氣種於男子爲偉人爲傑士固嘗緯地經天轟烈宇宙其爲女子亦或爲節婦爲賢媛磊磊落落增光巾幗甚且稱爲女中丈夫然則列女之編何不可與列傳並垂也銅仁前明有劉氏三烈標冰霜之峻節荷

綸綍之殊榮立懦震頑有裨名教繼此興起尤多未容軒輊緬其堅貞固澹金石其他賢孝秉自內則才藝衍其餘芬均不可沒急待表章自昔關雎麟趾化始閨門畫荻丸熊費由母訓良非誣已志列女

節孝

楊 淳妻蕭氏 烏羅司人年二十二歲夫歿撫遺腹子誓不他適事翁姑孝養備至數十年如一日旌曰

婦居苦節

黃 偉妻明氏 烏羅司人夫故氏年二十七歲矢志守節苦婦四十餘載冰玉無瑕曲盡孝養巡按御史

郃光先旌之

國朝

何一鳳妻孫氏 一鳳維揚人官把總以辦理軍務卒於洞庭孫年二十六止一女遺腹又生一女家極貧賴鍼黹度日閨範極嚴動必以禮及女長慎于擇配後二女皆以夫貴封恭人冰操五十七年享壽八十三

歲

劉世泰妻沈氏 夫故氏年二十一歲家極貧撫孤艱苦矢志靡他婦姑在堂生事死葬皆克盡禮堅節三十餘年如一日雍正六年旌表

呂庠黃承恆妻沈氏 邑人年十九歸承恆爲妻逾年承恆故時遭兵火流離拮据萬狀氏茹荼飲蘖孝事翁姑義調弱子極盡艱辛六十四歲壽終學使郡守屢有褒揚巡撫元展成題旌

楊爲光妻薛氏 郡人年二十三歲爲光病卒氏孝事翁姑鞠育幼子始終無二志苦節四十四年雍正八年巡撫張廣泗題旌

張全舉妻郝氏 夫故氏年二十六歲遺三男一女家窘甚氏竭力事姑辛苦育子飲藥茹冰苦節五十四載享壽八旬乾隆三十年旌表

張立功妻袁氏 歲貢袁先聲女夫故氏年二十六歲柏舟自矢苦節彌堅三十年無間惜未及花甲遽卒乾隆二十八年旌表

徐 爽妻劉氏

氏爲諸生劉兆亨女年十七歸爽爲配爽庠生穎悟好學能文章頗事著作不理生產

氏亦不欲其擾于外務家政無巨細悉力肩之井日紡織下至澆濯澆掃日親其役怡怡如也無何爽病且歿氏痛不欲生以孀姑在堂勉視舍無葬事畢甘荼蓼具菽水以婦道兼子職備極孝養訓兒則機杼夜鳴一燈課讀撫女則內則親授形影相依遇本宗子姪必教以教品立行講孝友睦嫻之誼由是德化鄉閭譽

隆感族古之賢媛不是過也守節六十二年壽至八十四歲乾隆三十七年旌表節邑侯敬文撰傳

萬 阜妻楊氏 氏爲邑梅司楊再續之女十八歸阜爲室阜生有異徵方數歲有游僧自峨帽來求見阜

阜匿不出僧言懇切父母強之出見僧卽下拜阜泣走避家人咸以爲異阜素性靜默及旣婚數年無所出康熙二十三年忽出游莫知所之或云爲僧或云身故時氏年二十三矢志守貞孝養翁姑以婦代子家

道中蒸備給餐餐氏善操井日夜勤紡績艱苦備嘗每歲時祭享悲哀涕泣慟感鄉閭繼謀爲夫立後取姪名中仁者撫之年甫三週教育辛勤慈嚴兼至稍長入塾受書束傷膏火之資悉取辦於十指中仁幼秉

方芸窗勵志弱齡補弟子員旋食餼事親至孝氏嘗自慰曰萬氏有後吾無憾矣氏仰事俯畜垂五十載乾隆元年年七十五無疾而逝三十四年始遺旌表六十年乙卯科中仁少子湛舉于鄉製氏木主備鼓吹恭

送節孝祠親隣皆衣冠以從一時榮之中仁移明經生數子咸早卒惟湛克承先志云採劉朝劉朝祚贊曰

德無隱而不彰名無微而不顯方阜之出游生死未可必也稍知禮義鮮不有以自持而况孺人之秉性幽

貞者哉獨其孝事翁姑義方訓子茹苦食貧歷數十年卒使家聲振起金節以終是爲難耳子嗣經孫孝廉

朝廷褒之鄉閭頌之隱德之報顯名之加赫赫隆隆正未有艾嘻亦可風矣

王永祚妻汪氏 生汪元璋之女夫故氏年二十二歲潔清自矢堅節苦貞歷五十一年壽至七十三歲
乾隆三十八年旌表

張宏圖妻楊氏 邑庠生楊昌梅之女夫故氏年二十二歲孝事翁姑婦代子職青年勸節皓首完貞歷四
十一年至六十三歲壽終嘉慶二年旌表

何孫氏 楊盧氏 楊王氏 俱志事蹟失載

以上均經旌表

楊時矩妻向氏 本邑凱奔人年十九夫故其弟婦黃氏年二十二夫亦故婦媳守貞翁姑在堂極盡孝養

遠近稱之皆年至八旬外猶康健不衰洵為節壽兼全云

王璜妻熊氏 氏為歲貢生熊璜之女年十六歸璜為室二十一歲璜故時尙無子堅貞勵志守節三十

年五十二歲卒繼姪日昇為嗣

萬志純妻楊氏 為孟溪楊玉參之女幼字志純為妻生而聰慧柔嘉維則于歸逮事翁姑以孝聞未幾翁

姑相繼見背氏佐志純富大事喪葬奠祭皆如儀無何志純又歿氏年甫二十二歲柏舟自矢繼姪魁為嗣

由是擗搗家務備極辛勤有利其貲財者曠族人以析產構訟案久懸未結幸值縣令許灝歸安入部選調

仁有神明頌廉得其情秉公理斷事遂寢時嗣子魁方稚弱養之教之積二十餘年乃得列名膠庠以慰氏

意氏親生一女慎于擇婿許字徐氏子如涵俊如涵膺選拔令譽噪一時人以是服氏有識也享壽七十有

三卒時孫曾已繞膝焉

謝撰如

盧士相妻滿氏 年二十一于歸二十八歲士相故矢志靡他守節四十五年家徒壁立氏親操井臼上事

翁姑下撫孤子飲冰茹蘗極艱辛子萬銘孫年開曾孫宗泰元孫品文九世一堂享壽七十三歲卒

張先華妻李氏 年二十一歲于歸三十歲先華故守節四十二年井臼親操勤于紡織孝事翁姑里黨稱

其賢子希序孫榮光氏享壽七十四歲

楊氏女 本郡鹽會人楊昌仕季女年十九適鬻橋羅朝琚子竣甫數月竣故守節三十餘年孝事翁姑繼

伯兄次子克注為嗣

彭氏女 彭大用之女幼字紗羅蔡田姓子未適而夫故其家欲另擇配女不可衣孝服奔喪遂居田室守其前配之子茹素諷經寂居靜處村人罕得見之

楊勝 妻萬氏 年十九于歸二十七歲勝卒故守節五十六年矢志靡他事翁姑撫幼子井臼澆灌之役無弗躬親婦職克修母儀足式子二秀秀秀琬琬生子再技技生銓政琬生子再本本生政品四世一堂享年八十三歲

楊勝 中妻黃氏 年二十一歸勝中爲室二十九歲勝中故門衰祚薄子秀珍甫五歲辛苦將雛纒及弱冠又復早逝氏柏舟矢志之死靡他孝事翁姑克修婦職守節五十二年珍生子再齊再治齊生子喜政治生子政位位生子亨通五世一堂親見其盛享年八十一歲

武庫 楊昌語妻滿氏 于歸時年二十二歲二十八歲病歿氏冰霜勵志家極寒微孝事翁姑無缺甘旨之奉不辭井臼之勞始終如一守節四十六年子勝萃孫太秀曾孫再健再邢四世同居享年七十六歲

庠生 萬中智妻范氏 中智少失怙恃食貧守約氏脫簪珥助學生子諶未及過而中智病歿時氏年十八子諶復得瘋疾氏紡績度日相依爲命者五十餘年乾隆乙卯苗變讎遇難死氏刃怛摧心尋以慟卒享年七十八歲

楊再論 妻劉氏 年十五歲適再論生子政瀚甫三週而再論卒氏時十八冰霜自矢家祇旱田三畝躬親耕種擔水負薪以供日用艱辛之至政瀚既長爲之娶婦迨後孫曾繞膝歿時六十有七歲

楊蔣氏 謹萬氏 舊志事蹟失載
以上未經旌表舊志所載止此
庠生 徐如溥妻楊氏 貢生楊茂章之女二十歲于歸甫六年如溥病歿氏欲以身殉念翁姑在堂乃矢志堅貞勤持家計晝夜紡績以供堂上甘旨氏僅生一女因繼姪姪爲嗣俾勵志爲學後雖讀書無成然以孝謹聞翁姑下世氏盡禮盡哀備極周摯鄉人稱之見年六十三歲

陳希瑤 妻丁氏 丁首強女年十七歸希瑤爲室甫五載而希瑤病歿生子僅四月翁早逝叔方八齡姑年老復患目疾舉動皆須扶持氏矢志守節養親教子兼撫弱叔家又極貧拮据萬狀終歲夜食之資氏佐以

鍼黹縫紉鄉憐咸爲感動厥後叔既成立子亦聰慧能讀蜚聲庠序至今五世同居孝友一堂諸孫亦多名者享年八十餘歲人謂節孝之報云

田宗源妻翁氏 翁世爵之女子歸時年甫十九翁姑夙染痼疾常臥牀褥兩老湯藥資氏一身越五載翁歿氏事翁益謹未幾值苗變時姑病篤夫亦抱恙未愈氏內外經理以安其心又二載姑與夫相繼下世既無伯叔終鮮兄弟慘况殆不忍言乃苗匪出沒不常氏竭盡心力始克營葬此後撫六月孤子逃難于外復業之日田十荒蕪房屋焚燬氏子立草創重立室家延師課孤子讀書獲入膠庠鄉里稱之謂天所以報苦節也計歷二十九年見年五十八歲

萬澄妻楊氏 楊時勉之女未字時已喪父弟復幼稚母衰老多疾侍奉湯藥夜常不寐族以孝稱年二十歸澄爲室雅敦和好翁姑極鍾愛之結褵八年生一子一女澄遂歿子未及一週氏痛哭欲以身殉轉思堂上白髮懷中黃口亮亮何依且家計素寒書籍外無長物不爲經紀奚以爲生由是井臼親操枵腹恆憂且不息乙卯苗變有從叔祖母被難無歸氏衣食之未幾卒于其家殯殮一切皆氏質典支持羣以爲難後其子能繼書香人謂母德所致守節三十七年享壽六十五歲

綢松友妻蓬氏 年十八適松友爲室生二子越五年松友出游數載不歸氏奉其翁姑暨二子相尋來銅詎松友已先一日病卒于斯氏典簪珥從新營葬由是無力還鄉遂寄籍焉乃以家徒壁立親老子幼方慮無以爲生未幾姑復失明艱苦萬狀有不言堪氏朝躬浣濯夜勤紡績以事二老甘旨未嘗稍缺翁姑皆八十餘始卒殯殮盡禮鄉里賢之二子成立呈請入籍其孫皆列縣庠蓋所以報氏也氏守節五十二年享壽八十一歲

單代文妻朱氏 本郡朱彬文之女十六歲適代文爲妻因家計蕭條畫則提甕灌園夜則刺繡紡績易粟資生佐代文無何代文病卒時年二十二歲子興旺方一週氏矢志撫孤百折不移適遭苗變負子遠避及歸房屋灰燼重爲草創備極拮据後教子成立爲擇淑配家聲得弗墜焉守節二十三年享壽四十五歲

范廷弼妻孫氏 孫子敬之女年二十適廷弼爲室結褵八年廷弼身故子甫四歲伶仃孤苦鞠育艱辛及子成立氏以原籍蒼隸江西命其回里修墓祭祀宗祠報本追遠深明大義守節三十六年享年六十五歲

楊聲昌妻石氏 石祥玉之女年十七歸聲昌爲妻生子歲餘聲昌即故翁姑衰老侍奉維艱養生送死一身肩之撫育孤子訓以義方屢底成立家有薄田屢遭水患竭力修治節極艱難鄉里憐之守節十五享年四十歲

吳方涵妻申氏 二十三歲于歸甫三年而方涵病歿氏矢志守節紡績資生以奉堂上二老翁晚年納妾生子未幾妾放子僅數歲氏撫弱叔底于成立宗祧有歸人稱其賢卒時六十七歲

向萬鍾妻雷氏 年十八適萬鍾爲妻二十八歲萬鍾故生子四皆幼小無知氏下撫稚弱上事翁姑茹苦含辛歷四十年有奇享年七十餘歲

黃毓芳妻何氏 何靈章之女年十八歸毓芳爲妻逾年生一子又六年毓芳以家貧客游歿于外氏攜幼子倫扶柩還葬矢志守節時翁姑年老艱于動履未嘗稍離左右家計其窘特紡績以資堂上供養未幾子又夭亡氏不欲生者屢矣然以翁姑尚在雖極慘惻不敢幾微形顏色恐傷親意也迨繼姪爲嗣復不永年氏終不易心翁姑命繼姪孫應梅以承宗祧時甫二週迄今尙未成童氏教督甚嚴晚自塾歸親于燈下課讀人謂節婦賢母兼而有之見年五十五歲

陳宏綸妻楊氏 監生楊容光之女年十八歸宏綸爲室甫三年宏綸病篤氏傷痛欲絕幸翁姑泣慰氏體親心矢志侍養繼姪恩泮爲嗣辛勤教誨底於成立翁姑棄世墓祭盡禮戚戚之情久而不渝且日操紡績絲粟不致浪費後恩泮得列膠庠皆氏訓也見年五十三歲

楊秀星妻萬氏 萬志芳之女年二十適秀星爲妻克嫻婦道事翁姑先意承志娣姒之間怡怡如也結婚七載秀星以疾故生子僅二連痛哭欲以身殉因翁姑慰之而止由是矢志守節朝勤鍼黹夜操紡績雖家計寒微而翁姑甘旨未嘗匱乏迨其去世喪葬盡禮盡哀撫育孤子教養婚配備閱艱辛至今鄉憐稱之計歷四十七年見年七十四歲

馮庠黃蘭妻劉氏 氏爲三列貧裔劉體乾之女年二十歸樹爲妻甫生子肇榮樹即明奄臥一室氏朝夕侍起居飲食毫無違意又八年樹以病歿氏痛不欲生念翁姑皆逾六旬不忍重貽二老憂乃節哀矢志茹苦含辛上事翁姑養生送死畢瘁心力幸其子肇榮成立得列膠庠氏懷稍慰復以艱于抱孫多行善事其

後芝蘭繞膝羣謂報施不爽享年七十一歲

王瑣妻蕭氏 貢生蕭瑣之女子歸時年未及笄結褵甫三年而瑣病氏朝夕侍湯藥左右不離瑣歿之日氏痛不欲生哭泣呼號聞者淚下居未久父憐其少欲更擇婿嫁之氏誓死不移翁姑愛如拱璧氏晨昏定省勤勤不懈有古孝婦之風後繼姪口昇爲嗣教育成材以延宗祀守節三十一見年五十二歲

張鈞妻黃氏 黃肇伯之女子年二十歲適鈞爲妻甫二載值苗變氏扶姑避難於郡治之大轉山時夫兄鑑以武舉帶鄉勇堵禦鈞左右行間得染疫症歸臥山岩日夕侍湯藥每夜禱天願以身代及鈞故氏有遺腹期生子以承宗祧逾三月果生子瑞枝目是節哀履變辛苦將離上事衰姑益加孝謹及瑞枝稍長延師課讀屬望尤殷並不以孤子溺愛迨瑞枝列名膠庠氏年不待未及目覩爲可悲耳計守節十一年享年四十四歲

庠生張純妻范氏 范國珍之女子歸時甫十六歲純德家甚寒訓蒙糊口氏紡績縫紉勤儉佐之未嘗匱乏無何純德病歿僅遺一孤氏年二十九歲矢志不二賣女紅以奉衰姑曲盡孝養姑八十壽終殯葬一切惟氏是賴俟孤子漸長教以義方克承先志守節四十八年見年七十七歲

劉浩妻聶氏 爲郡庠聶允乾之次女年二十歲歸浩爲妻浩初業儒未就棄而爲商僅堪度日甫生一子浩染瘋疾臥牀不起家益落翁姑繼逝惟祖姑在堂氏以鍼黹供甘旨及浩湯藥咸無缺備歷諸艱始終無怨容迨浩故氏年二十九立志守節晝夜紡績課子尤嚴今其子永慶已入縣庠秉母訓也氏見年五十歲

覃代珍妻劉氏 庠生劉宗明之女子年十七歲歸代珍爲室家計寒微日食不足氏勤女紅以濟之生一子未幾代珍病卒氏守貞不二鞠育藐孤乃子復多病夜常一燈熒熒藥爐相對深恐調護不周夫嗣誰託時爲欽泣迨子長成授室方喜舍飴子又身亡氏一息奄奄重撫繼孫艱難倍昔至今孫已婚配宗祀可延氏懷慰矣守節三十年見年五十九歲

劉枝楠妻李氏 郡人李榮基之女子年十六歲適枝楠爲妻家甚寒朝則鋤圃灌園夜則孤燈刺繡藉此資生以相其夫食貧居賤毫無怨尤不意夫遭疾不起歿時年二十五遺孤二子次甫兩遇姑又六旬多病其性頗急氏仰事俯畜無幾微憾未幾伯叔繼亡遺一孤姪少不更事氏弗辭艱苦內外經營後兩孤咸得成

立氏心血盡矣鄉人稱之見年四十七歲

黃肇張妻楊氏 楊承元之女年十九歲適肇張爲室性沈靜寡言克敦婦道翁姑高年多病氏侍湯藥日夜不懈越半年姑歿孝翁尤篤生子錦甫五齡肇張不祿氏念莞莞藐孤何以成立矢志守節事衰翁則婦盡兒職撫弱子則母兼父教後錦學成名列入膠庠鄉里賢之謂氏所貽也見年四十四歲

楊永昌妻田氏 田祥符之女年十九歲適永昌爲妻生子歲餘永昌病故翁姑衰老妯娌各居堂上甘旨氏竭力奉之撫育孤子讀以義方家有薄產屢遭衝塌堰堤修治拮据萬狀苦節十六年享年四十四歲鄉里素推重之

羅允清妻余氏 爲余士遊之女年二十歲歸允清爲室事翁姑克敦婦道生子福錢甫二週允清身故氏不欲生因念親老子幼誰寄仔肩由是一力支持翁姑繼歿喪葬盡體力撫孤子成立至今孫曾繞膝守節五十三年見年八十三歲

游宗武妻楊氏 楊崇紫之女年二十一歲適宗武爲妻家計寒微以紡織縫紉資生生子兆明兆純結褵九載而宗武身故氏守節撫孤含辛茹苦爲兩子擇配俾立家室今孫枝秀萬方與夫交閱歷冰霜六十年見九十一歲

向士彬妻劉氏 卽向節婦雷氏之媳年十九歲歸士彬二十一歲彬故身有遺腹越五月生子海蘭氏勵志冰霜上奉孀姑下撫孤兒辛勤勞瘁積三十一年今五十二歲甫育二孫而海蘭又歿媳詹氏年三十歲亦柏舟自矢一門三節洵世所希云

楊其昌妻王氏 康熙戊子舉人官山海知州王永年之孫女十七歲于歸其昌病故氏年二十三歲止生一女立志守節事翁極孝繼母曾氏朱氏感其誠敬從無間言夫弟建昌甫二週姑卽歿氏茹苦含辛獨力乳養俾至成立後補博士弟子員奉氏教也

羅允年妻胡氏 貴陽人允年在京曾任北城天馬司指揮氏歸允年甫十八歲未幾允年病垂危時謂氏曰汝年少艾且無子吾死可速嫁毋自誤青春也氏含淚慰之允年既歿氏矢志靡他迄今二十餘年玉潔冰清無瑕可擬弗愧堅節者矣

鄭庫餘楊妻劉氏 國原劉之仁次女年十六歲于歸梅故時氏年二十五歲生二子李勳勳育訓嚴
方居恆足不出戶嫗族罕見其面見年四十三歲

鄭庫餘廷柱妻白氏 十六歲于歸二十三歲廷柱病歿守節四十餘年人言無間一子有孫五人見六
十七歲

楊劉氏 大家潤官舟聖人爲鄭庫楊勳鑄武生楊通銓之祖母年二十三歲夫故家貧如洗撫二歲孤子
勤儉支持事翁姑曲承歡意甘旨無缺壽至八十餘歲始卒

曾洪氏 十九歲于歸曾姓二十六歲夫故家甚貧以鍼黹度日持以勤儉僅濟妻養教孤子讀書未嘗姑
息子弱冠入泮方自欣慰未幾子又繼亡重撫稚孫情尤悲慘見年六十五歲

向秀士妻劉氏 爲思州府進士劉有平次女年十八適秀士爲妻結縭五載秀士以疾逝矢志守節孝事
翁姑生子甚幼辛勤鞠育翁姑相繼臥病氏日進湯藥夜則哭禱願以身代及翁姑既歿喪葬盡禮族隣稱
之茹苦四十一年享壽六十四歲

陳廷章妻楊氏 楊進禮之女二十三歲歸廷章爲室克嫺婦道勤儉持家倡隨愛敬宛若主賓生子一境
遇日艱雜野蔬爲食賴氏以紡績佐之迨廷章出師川省以傷遣回未幾身故所遺六旬老母五歲孤兒仰
事俯畜悉氏經理教子成立爲擇淑配無何子甫生孫而子又繼亡孫復夭折人生不幸萃諸一身然猶以
適姑在堂時時忍痛承歡此情此景愴極矣鄉里無不憐之守節二十三年見年五十一歲

曾承勇妻陳氏 平茶人于歸時年二十三歲承勇卒後苦節四十餘年生子一艱劬萬端撫以成立見年
七十餘歲

按以上舊志未載從府志補遺探入

知縣都先魯妻敖氏 妻楊氏 孝廉敖應徵之女年十六適先魯爲室先魯艱于嗣任祁陽令復娶廣陵楊氏及

同邑李氏爲妾先魯以計典調任送家累歸里赴京補選舟抵境爲苗所劫溺死敖氏與兩妾年皆少無子

女聞計之日卽與兩妾及齋禮佛同志守節終年坐臥一室雖至親罕得見時滇黔迭經寇誼丁亥秋兵猝
至剽掠敖氏聞之商兩妾誓必死卽製素帛三人各懷其一亂兵知不易奪只掠財帛去竟無犯者然三婦

益貧落僅僕逃亡略盡則緝自給備鄰婦代薪汲戊子己丑間斗粟數千錢人相食三婦至食糠糞苦益甚而節操愈勵鄰中人無敢以非禮語相及者後爲有平素土官慕楊氏色以先魯曾通彼債未償欲得之楊氏號哭三晝夜勺水不入口事遂寢其後送媒者屢楊氏兩次自縊皆以救解有僞參軍以威脅至絛縲之楊氏仰藥死逾日復甦由是毀容自絕兼以敷氏嚴氣正性人不敢輕犯遠近高其義遂無敢再覲覩者然楊氏日哀痛求死展轉毀瘠且病未幾遂卒敷氏李氏殯殮靈旣葬復閉戶自守至乙未九月敷氏以病終李氏號哭過毀遂得疾臥牀不起相繼而亡聞者多爲泣下錢邦芭曰苦節不常有乃一時得三人焉又萃于一門奇哉要之二婦處此有極難者無子一也苦貧二也遭亂離遇強暴三也嗟乎士窮乃覓節義非百折以成之三婦節烈何由而著哉或曰敷生于禮義之家其貞操宜也楊氏卑微而志克苦應別爲傳夫二妾之烈非放氏偶率不成述之以待後之尙論者（探通志錢邦芭三節婦傳）

處士陳炳政妻甘氏 氏于歸五載而炳政逝氏年甫二十遺子廷章僅四歲上事衰姑下撫幼子宗族鄉黨無間言廷章既冠娶婦楊氏亦純孝性成次年生孫時霖氏意竊喜承就有人何意天道靡常廷章復歿迨爲孫完婚孫又繼亡僅留呱呱者未週歲而天嗟乎天豈欲彰陳門之節陳門之孝故姑媳伉儷之偕合皆不及數年同以未亡見稱而兩代貌孤均擗短折其可悲者愈甚斯其可傳者愈久歟後氏歿時八十六歲惟餘孀媳子存朝深暮積以延殘息無力殯坊乃刊石道左略存梗概千秋萬世鑒茲苦衷發微闡幽俟諸東者（探碑文碑在北關外）

監生徐樞妻甘氏 徐通政如樹之次子婦也年十八適樞爲室樞故多病氏調護不離左右迨疾篤爾天願以身代翁姑見氏憂甚反好言慰之無何樞竟卒氏不欲生者已屢然以翁姑在堂忍痛承歡冰霜自勵幼嘗知書喜吟詠自是與其妯許氏掩戶唱酬積稿盈篋至親罕見其面許氏則有聽春樓草氏雅不欲以才見以所重在節故也道光間已逝旌表

監生徐枯妻龐氏 前貴州布政使履巡撫龐奇瓊之女也初結以試京兆不售歸途遇疾至家氏日侍湯藥久而不懈未幾結竟不起時氏甫二十二歲後八十一歲卒中閱六十年自其翁通政公棄世家以中著一貧如洗而氏柏舟勵志愈堅其母族欲迎歸養之氏辭曰我爲徐氏守自當老于徐氏宅雖餓死何

恤聞者服其識且憐其遇氏嘗好獨居斗室精潔日惟嗽粥半飽怡然也子姪過問起居氏必勉以持身廉隅立品端謹諄諄者皆格言正論洵不愧女中君子同治丙子請旌列名總坊壬午秋一日早起沐浴更衣焚香祀祖先畢無疾坐化至今里人尤盛稱之云

楊勝儒妻盧氏 初于歸後勝儒臥病三年氏每日悲泣祈天願以身代及見醫藥罔效勝儒病篤子秀文甫六歲恐難成立婉言勸夫繼姪秀弼爲長加意撫育尤過於親生勝儒歿後秀弼持門戶秀文始婚肄業至今兄弟一居國學一居縣庠皆氏教訓所致方媪姑在堂時一切養膳之需氏百計經營不以貧乏有缺姑又多病氏侍疾二十年不稍懈督率屢以節孝卓著四字旌之

庠生廖芝漢妻楊氏 處士楊再蒙之女于歸時年甫十九三年而嬰漢歿遺腹生一女蒙不中貧翁姑憐其少命之嫁氏不從柏舟自誓養老撫孤恆以鍼黹佐甘旨翁逝事姑尤孝爾姑病逾年侍湯藥寢食俱廢姑隨終立其姪子松之子瓊仙爲氏嗣氏復紡績佐贖厥後獲實明經咸豐初子松以諸生從戎江西病歿軍中眷口伶仃氏爲顧恤鄉黨頌之卒年五十三歲光緒初元旌表在案附祭節孝祠

廩生張燦然繼妻楊氏 年二十夫故矢志守節前室蔣氏祇一女時氏有遺腹猶冀生子承祧後復產一女氏時時飲泣屢不欲生然以兩女無依而止由是勤儉持家女工度活後兩女皆適儒門繼夫弟浩然子愿生爲嗣守節二十年壽終五十歲

文童伍景雲妻游氏 年十八適景雲爲室事翁姑以孝聞未幾夫歿生子甫週氏矢志撫孤備極艱苦自翁喪終與伯叔析居勤儉治生送子入塾讀書每年束修皆鍼黹所積子年及冠學不成爲授室楊氏命之曰爾既長宜思自立日從母嗽閒飯安知憂憤爲人也分微貲令子習買而自與姑同居時伯氏次璜以明經授徒館谷所入不豐且素性乖隔生計甚蹙氏請於姑曰媳幸不以子累猶堪爲老人備膳饘自今往請與伯氏分費姑無庸苦伯氏姑憫其意賦許之氏與其妯黃氏甚相得妯嘗臥病氏侍湯藥始終不懈日爲洗浣視婢子女若己出人皆賢之相與歎曰今之養親以丈夫子而猶兄推弟諉者比比皆然聞氏食當亦慍然愧矣其激動薄俗豈淺鮮哉

羅廷彥妻楊氏 郡庠楊煥通之女年十八適廷彥爲室克教婦道嘗得翁姑歡心居三年生一子未週廷

彥出外從軍久竟杳然傳者謂其已死氏以翁姑皆及暮齒家又壁立兩叔尚未授室因立志守節婦代子
職艱難拮据所不待言後撫子成立勸養兩叔完婚獨其貧無可療人皆憐之見八十歲茹苦三十八年亦
足悲已

周芳源妻楊氏 貢生楊繼愚之女二十一歲歸芳源爲室甫二年芳源病故氏柏舟自矢侍奉翁姑不倦
未幾翁復棄世家運中衰門庭岑寂竊匪往往乘隙覬覦氏與姑夜嘗不眠抱柱待旦事姑二十五年終歿
喪葬盡禮俾子之德出就外傳歸而課督甚嚴後之德獲列膠庠氏六十五歲壽終咸豐六年曾孫作恭呈
請旌表蒙督學翁同書獎以嚶云忍死奉威姑最憐抱柱無眠風雨一燈爇漆室承窳傳令子還喜肯堂相
繼雲霞百尺蔚梧枝

庠生萬世甲妻楊氏 氏年十八歸世甲爲妻克全婦道孝事翁姑二十四歲世甲病故氏矢志撫孤堅貞
不二守節五十八年八十二歲壽終子凌鴻顯書成立傳列膠庠孫文宗郡增生文琳邑庠生人謂氏節孝
之報曾經旌表

增生萬人杰妻張氏 氏年十七適人杰爲室二十五歲人杰病卒氏矢志守節生子二長法文早夭次希
文甫三週時祚薄門衰自祖迄父兩世單傳族有豪強欲奪產設謀陷害邑令尹思敬以神明稱燭其奸爲
懲族人並給額旌氏苦節後希文援列分發湖南縣丞長孫時華郡優廩生同治十一年爲氏呈請旌表

劉源泰妻傅氏 氏年十九歸源泰爲室甫五載而泰病卒氏二十四歲茹苦守貞堅節不移夫弟秉權敬
其賢復憫其苦以次子國棟繼氏爲嗣後國棟讀書有成獲膺選拔皆氏義方之訓方選拔時適值氏七旬
初度督學楊文整褒之以文鄉里榮之

杜士彬妻熊氏 恩貢生熊飛敏之孫女從九熊光祖之女十五歲歸士彬爲室二十二歲而翁逝明年士
彬又歿惟餘孀姑在堂氏奉養維謹所遺二子長半樑方兩週次學詩方一週氏以長以教庶于成立門戶
賴以不墜皆氏力也年屆花甲始卒

儒士徐元耀妻舒氏 年十七歸元耀爲室孝事翁姑克敦婦道一十六歲元耀棄世家苦勸貧凡養親撫
孤曾仰給於氏氏紡績操作備歷艱辛及子成立能體母教家以漸裕長孫錦童年聰慧賦賦前茅次孫錫

四歲通字義辨音韻屢試母詆見者知其後之必昌也光緒十年舉旌總坊見年六十三歲

楊鳳樓妻王氏 歲以生王國鄰之女國鄰宿儒艱於子生二女氏尤所鍾愛幼在閨中教以識字口授句

讀並為講解內則及列女傳氏由是頗知大義十七歲歸鳳樓為室未幾鳳樓病氏侍湯藥不忍稍離明年

鳳樓歿氏以身殉翁姑止之曰有我在不得為此因取玉樓次子繼之氏上事二老下撫藐孤苦節數十

卒能義方子家適日隆人咸稱之且性嚴肅出言有體為族鄰所服歎孤寡寡人情類然自氏處之由

青年以迄暮齒未聞有外侮之乘嘻殆巾幗而丈夫者已

武生楊烈光妻艾氏 贈鑾儀尚書歷郡庠生艾廷暉姪女也十九歲適烈光甫數年烈光從軍于外隨氏

季父延暉殉難廬州氏矢志守節既無翁姑尤鮮伯叔亮亮朝夕孤影相弔且值兵燹飢疫多難疊經艱窘

之况所不忍言然始終一致金石同堅晚繼從姪為嗣三十餘年見五十九歲

從九郎策勳妻王氏 氏幼秉閨訓靜默端莊十八歲適策勳為室孝事翁姑家無閒言甫四年策勳病歿

遺子崇矩呱呱在抱氏潔淨自矢宛極艱難崇矩稍長出就外傳束脩膏火皆氏縫紉鍼黹所積守節二十

七年見四十九歲

郡庠王誠齋妻王氏 顯贈堂之女十六歲適誠齋為室生子女各一同治丙寅冬苗逆入境竄逼清水塘

誠齋帶圍往堵寨寨不敵遇害氏矢志苦守孀居二十四年見年五十歲

李隆道妻滕氏 滕家國之女咸豐二年隆道由銅仁協營書職隨軍出征時氏年二十三歲生一子一女

未幾夫病卒行間氏間耗痛不欲生日夜號泣轉念姑翁已暮子甫二齡只得勉力支持然哀思歷久弗忘

往往痛哭血隨淚下甚至四十竟以喪明人感憫之見年五十八歲

儒士匡家傳妻黃氏 拔貢黃國賓之女咸豐四年家傳從軍歿於外時氏年二十六歲家無應門之童亮

鬻子立儉約自持雖飲冰茹蘗愈勵堅貞卒年五十六歲

毛仁芳妻黃氏 貢生黃國賓之女同治八年仁芳由銅仁協營兵出隊大江在瓦寨攻破賊營石擊腦破

立時身殞時氏年二十九歲食貧守節誠為活見年五十一歲

巫光隆妻羅氏 氏年十八歸光隆為室同治二年光隆出外久無音耗聞二載聞訃始知已歿時氏二十

八歲矢志守節歷久彌堅見年五十二歲

千總黃永清妻丁氏 年二十四適永清為室結縭未期永清奉調出征以功授千總賞藍翎在江西臨昌

府地方戰歿氏苦孀勵志孝養翁姑婦兼子繼德性尤純粹戚族咸稱之後以夫兄鼎甲次子鳳岡為嗣見

年五十八歲守節三十四年

黃嘉猷妻伍氏 伍長慶之女年二十歸嘉猷為室生女甫週嘉猷遽亡時氏年二十二矢志靡他初值順

境未幾家中落雖所歷不同而心如匪石始終一致見年五十歲守節二十八年

郡庠余耀堃妻唐氏 二十三歲夫故守節三十七年事親教子備極勤勞後子恆劍長成矢志力學復入

郡庠守氏訓也見有孫維藩維淋皆克儆

儒士朱耀基妻張氏 二十二歲夫故守節四十二年氏德性純粹沈靜寡言撫姪恆劍以承雙祧愛之有

如己出恆劍事氏維謹家政無鉅細必稟承而行尋恆劍病卒撫孤孫維翰未幾維翰又獲惟存曾孫祖榮

儒氏享年六十四歲

儒士向士勳妻朱氏 恩貢生朱名芳之女適郡庠向萬春之子士勳為室時十九歲夫年士勳病歿氏勸

志冰蠟守姑以孝數年姑溘下世氏支持喪葬無缺禮守節四十年嗣姪為子兒年六十歲已抱孫矣

楊翹秀妻王氏 氏年十九歸翹秀時翹秀已病藉花燭街喜從俗例也入門後侍翹秀湯藥經年無情容

翹秀歿氏痛不欲生以翁姑垂老在堂且有遺腹未卜男女強忍之未幾生女翁姑名以歆姑蓋勉氏順變

承歡也氏親翁姑意乃請繼冀安親心命以夫弟子再厚嗣之氏為易名再和蓋又日永之義祝其翁姑及

翁姑相繼下世喪葬一切皆氏內外支持又為再和娶妻劉氏復以舊居煖于兵燹重營華構家事拮据心

力俱瘁晚有兩孫政鼎政樞氏令入塾讀書方與未艾曾氏力也光緒三年再和為請建坊

蕭鳳翠妻向氏 拔貢向陽春之姑幼字鳳翠為妻繼因鳳翠遺疾沿俗例冲喜之說娶氏過門閱九月夫

故時氏年二十有五繼姪為嗣完配後生男孫三年年七十歲守節四十五年

胡元潤妻何氏 年二十適元潤為室閱九載而元潤亡氏始有薄產遭亂破家垂老喪子孤影梵梵見年

七十有二殊可憫已

黃慶理妻楊氏 處士楊虛谷之女歸慶理後生子一女二未幾夫歿時氏年二十有七甘貧守志誓死靡他性耐勞苦日督耕稼夜課女紅辛勤積累家以稍裕及晚年被賊焚掠子又遇害易蔗甘爲茶苦辛賴兩孫終養卒年九十三歲歷節六十六載旌表已列城坊

伍榮山妻楊氏 楊政富之女年十八適榮山爲室生子二同治三年夫病卒時氏二十七歲矢志守節食

貧撫孤見年五十二歲歷節二十五年

廖鳳彩妻胡氏 年十八適鳳彩爲妻咸豐乙卯鳳彩喪陣亡時氏二十八歲 如洗茹藥飲冰堅志

不移見年六十二歲歷節三十四載

廖生何定淵妻楊氏 武庫楊應震之女年十九適定淵爲室夙承家訓能履 得翁姑歡心夫疾歿

時氏年二十有六生子甫三歲矢志撫孤繼此翁姑見背家計益窘遺孤甫弱冠又復天亡氏子然一身不

渝初志見年四十九歲守節二十三年

沈光祿妻伍氏 伍光澤之女甫及笄于歸光祿爲室生二女一子二十八歲夫歿遺財無多子甫週歲女

俱幼小氏績紡繼緝以資撫鞠見年五十歲守節二十二載

黃啓昌妻王氏 年十八適啓昌爲室生子一二十三歲啓昌卒僅遺薄產氏勤儉積累家以小廉歷節五

十五載卒年七十八歲

黃家俊妻郭氏 郭致相之女年十六歸家俊爲室結褵二載家俊往金陵投軍次年戰歿於陣氏矢志守

節事孀姑婦職加謹持家儉樸柔順寡言恆閉門績紡度日見年五十二歲歷節三十四載

張家楷妻毛氏 二十歲于歸夫妻伉儷甚篤生二子家楷從戎江西未幾接計知病歿于軍氏以二子尙

幼忍活撫孤同治戊辰苗逆入境家人逃散氏避山岩繼聞翁自蒙館歸遇賊于途被害時賊甫退無人敢

往氏奮不顧身躬自收殮脫簪珥易貧立備衣棺以葬盡禮盡哀里人稱之苦節三十餘年見已六旬曩子

學會次子學舜皆成立有孫六人一庭和順氏所遺也

唐可翊妻梅氏 年二十適可翊爲室生子尙鋪甫四齡可翊病歿氏矢志撫孤紡績度日苦節三十年其

孫仁海恩貢生仁沛乙酉舉人督學胡家玉旌其門曰貞松遠廡

徐唐氏 氏爲廩生徐凝春曾祖母年十九適徐氏次年夫病卒遺腹生子瑋氏堅貞自矢食貧撫孤壽六十一歲苦節四十餘載

李秀英妻譚氏 年十八歸秀英伉儷甚篤事翁姑以孝聞二十一歲生子學蘭水及一歲而秀英遇賊殞命時翁姑暨兒嫂皆先後去世嫂遺一子學元甫六歲氏攜子姪避賊氣東西逃竄艱苦備嘗流離項尾中以禮自持亂平始歸故里髮屋宇復舊業令子姪出就外傅子既長爲授室今皆有孫矣氏年五十二歲

楊昌傑妻陶氏 夫歿時氏年二十三矢志靡他堅貞自持居恆不出庭戶數十年如一日嘗登八旬乃終楊勝鼎妻金氏 選進士金兆升之女卽楊陶氏媳也年十七頓失所天事孀姑孝養備至茹苦五十年兩

世曾以節著

優廩生楊秀俊妻陳氏 國學生陳恩澤之女年十九適秀俊甫六年夫故時孀姑在堂氏力全夫志孀兼子職姑憫其孝令繼少子秀照子世襲爲嗣氏嗣以義方夜當紡績課讀茹苦四十三載歿後世襲膺乙酉選拔孫日暄於是年入泮隨食餼同治十年經知府袁開第題旌崇節孝嗣光緒十三年督學楊文瑩表其門曰玉潔冰堅

楊秀偉妻萬氏 年十八爲秀偉室未幾秀偉病歿無子氏奉孀姑以孝聞鄉里無間言夫弟孝熙以仲子冠芳繼之後獲列膠庠同治十年與嫂陳氏俱蒙題旌崇節孝嗣時稱一門雙節

舉人楊肇秀妻徐氏 肇秀歿氏年三十歲未幾翁姑相繼棄世喪葬大事氏獨力支持無缺禮課子作楨讀書甚嚴稍廢學卽泣下曰爾父書香何寄後作楨以長纂入泮人謂氏誨之力云

楊爾昌妻曾氏 夫卒無嗣氏矢志柏舟始終如一苦節六十載壽終八十六歲

楊秀條妻劉氏 夫歿氏年二十九事衰翁及繼姑極盡孝道撫二子教養成立次子流芳游武庠孫卓庭亦入泮堅節五十年壽至八旬始卒

楊秀春妻蔣氏 年十九適秀春數年秀春歿家計窘迫遺二子甚幼日食藜藿以鍼黹度活事翁姑以孝謹聞鄉里無間言守節四十一年壽逾六十而卒

從九王光廷妻賀氏 年二十二適光廷三年生子化行甫一週光廷即出募游隨得耗言已卒於外氏聞訃痛不欲生奈上有翁姑下有幼子只得勵志苦守家又最貧以鍼醫度日艱難萬狀逾年姑去世子漸成立娶媳楊氏生子二長隆勞次隆槐家道漸裕不意化行三十六歲先氏卒媳楊氏亦矢志不二與姑相依備極孝養楊氏至五十四歲壽終守節二十年氏守節五十八年八十六歲無病而卒

儒士張宏忠妻楊氏 庠生楊勝智之女年二十一歸宏忠結褵三載宏忠以疾歿時尙乏嗣以夫從弟子繼之氏夙以義方無懈盡守節五十年七十餘歲始歿曾經題旌

監生曾紀嵩妻楊氏 儒士揭悅全之女二十四歲于歸紀嵩旋遇賊被害寧亦漸落有勸其改嫁爲終身計者氏含淚對曰昔在閨中聽尊長言古列女心竊慕之今所遭如此何忍有負初志且翁姑早逝夫又乏嗣僅餘夫弟幼無以妻若他適脫夫弟無成會氏一脈將誰屬也由是日勤女紅紡績代耕使夫弟習小貿易長爲擇配後夫弟以次子承繼氏慨然曰今而後吾事畢矣卒年五十六歲家亦小康

廩生張學溶妻楊氏 年二十四歲學溶死無嗣家赤貧翁姑年邁餽膳無出氏矢志守節日勤女紅奉養二老未嘗告匱且靜默寡言族隣姻黨奉爲壹則卒年五十七歲守節三十三年

滕國讀書胡氏 十五歲歸國鎮爲室甫及十月而國鎮奉調出師旋接凶耗知其歿於廣西軍中時有請姑在堂氏冰霜勵志曲盡孝養後繼夫弟國柱子爲嗣壽五十六歲守節四十年

戴先達妻熊氏 熊承烈之女十九歲于歸生二子一女晨朝松次玉松女芙秀遺腹生後適邑庠楊節堅初先達病歿時氏年甫二十七矢志無他守節三十年鄉里咸稱其賢五十七歲壽終孫象賢齊豐毓賢皆列膠庠

邑庠萬平洪妻蕭氏 外委蕭占魁之女年十六歸年洪爲室生子女各一未幾年洪病卒氏年二十六歲鞠育子女極盡艱辛女甫出閣子于成豐六年出師江口陣亡氏莞子一身守節二十九年享年六十五歲已蒙旌表

楊政育妻張氏 年二十適政育爲妻未幾政育病歿氏矢志守節繼姪通曉爲嗣幼送入塾長爲娶妻不數年子媳復相繼身殞遺維孫二入氏艱難教育以儉以勤卒能昌大門戶長孫保光祿郡庠以軍功授知

縣分靈嗣南次孫奎光城守把總署濠頭汛千總三孫連光以隨軍勦賊歿于陣氏壽至八十三歲
張光宗妻謝氏 氏年十七適光宗爲室未幾光宗出師老驛次年老縣告陷未悉光宗下寨久竟杳然氏
李事翁姑持家勤苦繼夫弟少子爲嗣守節三十六年見年六十歲

楊承光妻許氏 太學生許鴻達之女年十八適承光爲妻時翁姑在堂孝事維謹未幾翁病垂危氏割股
愈之咸豐丁戊間翁姑相繼下世承光亦遇賊被害年甫二十有大無夫無子遭逢亂世脫非堅志不移
烏龍終全大節夫兄玉麟以子繼之氏命名定昌屬望深矣守節三十三載見年六十歲

黃智泗妻劉氏 智泗卒時氏二十六歲孝事翁姑義方訓子家本素封富智泗存時凡賑飢恤隣拯育溺
嬰諸善事氏嘗贊之守節五十六年壽終八十二歲子仁煦歲貢生孫文恪郡鳳生氏所貽也

黃仁芝妻楊氏 仁芝舉孝廉方正以長厚聞于鄉卒時氏年二十八歲立志撫孤當好行善事凡修治
橋樑道路及施衣藥寒刻勸勤世不惜重貲子希楠以援例得五品州同銜氏見年六十五歲耳目猶聰強
云

李秀興妻譚氏 氏年十八適秀興甚篤事翁姑以孝稱二十二歲生子學蘭未週秀興遇賊殞命時
翁姑及兄嫂皆先後下世嫂遺一子學元甫六歲氏見賊勢日熾攜子暨姪東西竄逃備嘗艱苦流離轉徙
中而行止以禮爲人所敬亂既靖歸故里修整屋宇重理家業使子姪出就外傳嘗謂謀生固急書亦何可
一日廢也氏見年五十一歲已抱孫矣

儒童楊旋勝妻沈氏 氏十九歲于歸甫二年生子映堂方呱呱在抱而旋勝病卒氏矢志守孀上事二者
下撫孤兒終始不渝子稍長俾之就學度底成立與娣姒同居數十載雍睦無間隣里賢之見年六十有六
歲

祝秀興妻羅氏 氏自適秀興于二十五歲時以家計貧甚秀興往漢貿易二十餘載音信杳然二女一子
皆氏辛苦鞠育藉鍼黹紡績度活同治五年忽聞秀興隨所選鎮遠縣林由京來黔赴任行至玉屏以苗匪
陷城主僕同時遇害氏親往搬柩回銅安葬子昇平入營亦于金陵陣亡氏苦孀數十年竟獨以終人皆

憐之曾經旌表總坊

羅克弟妻沈氏 二十四歲夫卒遺一子名允金甫三歲家故貧無立錫地父母兄弟俱無存者氏矢志不
二爲人浣濯縫紉傭役以度日及長成始不爲傭見年七十四歲苦節五十載
毛品文妻彭氏 品文歿時氏年二十餘家貧如洗立志守貞上奉衰翁下撫孤子百折不渝合族交稱見
年七十二歲苦節五十二載

羅亨復妻翁氏 年二十七夫死守節今五十有五矣子一女二氏支持門戶代夫養親弱叔享基年二十
餘夫婦俱亡遺一子一女尙在襁褓氏皆撫之成人族黨咸稱其賢云

陳泰豫妻熊氏 年十九歸泰豫爲室甫成禮之次日值苗逆竄擾氏偕翁姑避于嫻家月餘泰豫遽病氏
侍湯藥日夜掩泣既而泰豫竟不起翁姑痛子情切至廢寢食氏忍淚百端慰解翁姑稍安未幾姑復下世
氏哭之盡哀翁繼娶姑楊氏氏事如前姑迨翁歿氏與翁姑相供無間言守節三十餘年今五旬外矣
向恩龍妻盧氏 盧南勛大女十七歲歸恩龍爲室恩龍于咸豐間從戎陣亡于南京大營氏守節二十三
年壽終四十歲

賈國興妻吳氏 年十六歸國興爲妻次年國興亡氏尙無子立志守貞繼夫弟子爲嗣養老撫孤持家勤
儉茹苦四十年無疾而終

從九向玉霖妻劉氏 年二十五歸玉霖越四年生一女未幾復生一子名冬生甫二週而玉霖病卒又五
年翁亦卒氏艱難撫孤子長成乃爲娶婦生孫子與姑復相繼而亡天之厄氏者亦至矣氏見年五十八歲
孫僅三齡人咸憫之

李口口妻陳氏 凱德旁人夫逝時氏年二十九歲遺一子家僅中人適遭屢喪亂氏負子以逃避山谷間
經十餘年子始成立殞時壽六十守節三十一年

鄭紹勳妻周氏 周紹興之女見年五十二歲于十八歲歸紹興爲室守節三十二年

楊文禮妻吳氏 吳通浩之女見年五十四歲于二十一歲適文禮守節二十三年

陳必燦妻陳氏 陳世賢之女適必燦爲室必燦故時氏年二十六今五十二歲膝下子女各一撫育成立
翁姑早逝事兄嫂不啻如姑媳鄰里之

陳克登妻周氏 十九歲于歸生二子二十九歲夫故氏見年六十三歲守節三十四年

金大珩妻甘氏 十九歲夫故守節四十九年壽至六十八歲而終

金必鑑妻周氏 二十一歲夫故守節六十七歲享壽八十八歲

李再棟妻鄧氏 年十八夫故見年五十四歲守節三十六年

李政桐妻楊氏 夫故時年二十五于十九歲適再棟守節四十年

吳尙武妻段氏 夫故時年二十二于十八歲適尙武守節四十年

楊俊圖妻田氏 國宗池之女于十五歲適俊圖守節十一年已故

吳再科妻楊氏 于二十六歲適再科守節二十年

吳秀忻妻衛氏 于二十九歲適秀忻守節三十年

楊故文妻張氏 張華瑤之女守節二十五年

胡紹康妻梅氏 梅扶元之女守節二十三年

楊郭氏 郭啓皓之女于十八歲夫故守節三十二年見年五十歲

楊再照妻羅氏 見年五十一歲守節二十三年

楊秀蘭妻劉氏 見年五十歲守節二十八年

涂宏喜妻張氏 于十九歲適宏喜守節三十二年

梅國杰妻張氏 守節四十一年

梅廷俊妻張氏 守節二十八年

梅慶雲妻湯氏 湯士杰之女守節三十四年

儒童蕭世琳妻吳氏 者民吳金萬之女年十七于歸世琳琴瑟甚調善持家俾世琳得肆力于讀弱歲知

名應郡縣試皆冠軍累攻苦致疾未及院試而卒女三遇子朝佐猶稱也氏悲願欲絕翁姑指朝佐謂氏

曰吾兒身後祇此爾能撫育成立吾兒不死矣氏乃節哀順變矢志守貞事翁姑先意承志曲得歡心夫弟

有五時皆幼穉教育婚娶氏悉佐之姊媿偶有勃谿得氏一言仍教睦居翁姑喪哀毀骨立鄉里式之子朝佐八九歲時逃惡疾兩目失明四肢不舉百藥罔效氏且夕禱天求愈以冀延夫似續逾年果瘳人謂苦節之報繼使朝佐入塾讀書姓頗慧兩試不售讀益苦氏諭之曰兒父以勤學死功名爲身外物禮宗一脈可念也朝佐由是絕意進取閉門養母娶婦楊氏亦以賢孝聞氏晚年有孫三次孫芝歲貢生曾孫四悉業儒六十二歲始卒守節三十八年經郡守袁開第題旌

增生蕭世瓊妻向氏 向如嶽之女年二十適世瓊爲室結褵六載而世瓊病卒遺孤朝柱甚幼氏養姑撫子操守彌堅姑歿喪葬盡禮朝柱稍長不違訓戒喜從博徒游日用漸乏有勸氏改適謂守此無益氏曰兒不肯吾既無以對亡夫乃復爲此狗彘不如矣因憤甚不食求速死子歸見母若是泣請改行氏始進食後朝柱果務本業以謹飭亦氏有以成之也氏卒于六十八歲守節四十三年已經總坊旌表

蕭朝湘妻樊氏 氏幼字朝湘及長夫家中慕母有悔婚意氏矢志從一年二十歸朝湘時典釵環以供堂上甘旨朝湘性拙氏敬事之無失禮越年生子廷祥未週歲朝湘從征江左未幾戰歿計至氏寬慰翁姑惟以撫孤爲念時值飢饉遺翁喪日食漸不繼有聚家聞氏賢餌姑多金勸改適氏跪堂前血誓以明不二姑感泣相助操作謀生計無何姑復下世氏哭之慟盡傷十餘年之均勞共苦而竟一旦捐棄也子長娶婦萬氏多疾不育又爲娶楊氏生子梅林兩婦相繼卒廷祥游蕩不歸今與處者子然孤孫而已氏見年七十守節四十八年蒙前府袁題旌以上三名均經崇祀節孝祠

蕭廷茅妻龍氏 氏年十七適廷茅爲室旬日廷茅即從戎江右未幾戰歿于軍時翁姑早喪惟叔翁姑在堂接計復叔姑以氏年邁少成婚數日夫即遠離今若此情殊可憫勸令擇人改醮氏作色曰叔翁垂老病風痰叔姑又無兒我雖無知何忍相舍去况從一而終婦人之義今後能容當相助操作以養二老不然有死而已叔姑曰汝志誠佳然家貧如洗又無健男何以爲生氏曰是在人耳由是夜勤女工晝則種瓜藝菽田家作苦悉以躬親久之衣食粗足叔翁姑憫其無出爲擇族中子洪藻繼之既婚生三孫叔翁六十餘卒臨終謂氏曰吾家死喪之餘復能立家有後者汝再造力也氏見年五十歲守節三十二年

儒童龍作霖妻楊氏 氏年十九于歸作霖伉儷甚篤日勤女工夜佐夫讀恆以三更爲限作霖應郡縣試

曾列前茅旋以攻苦致疾未院試而卒遺孤長庚甫半通稍長聰異善讀氏課甚嚴方讀書克紹無何婚期將近而長庚夭折氏夫昆季凡五久已析居姑垂老病足不良于行惟樂與氏處湯藥之奉非經氏手不食姑卒遺命以四房孫國柱爲氏後氏撫若親生初令入塾讀書不成乃命力耕後家亦漸裕爲國柱完婚兒女近已成行皆自氏作苦中來也見五十七歲守節三十九年前守汪炳燾同族

國學生陳允信妻羅氏 爲貴陽府庠生羅有大女年十八歸允信爲室未幾允信從戎于外遂獎縣承久不歸羅探知病歿聞計時氏甫二十八歲由是上學孀姑下撫孤子以鍼醫度日孝慈兼盡見年五十八歲守節三十年鄉里敬之

毛仁忠妻陳氏 祖應龍爲浙江華人父啓高亦儒生氏十七歲適仁忠生一子兩女子名實仁忠既有嗣旋復從戎福羅戰歿于陣氏自念育于世族精明大義雖一身落陷願值無人終不敢以貧窮易志由是鍼醫度活撫子女成人見五十歲自二十三歲喪夫守節已閱二十七

儒童顧邦相妻田氏 氏及笄後卽適邦相二十歲而邦相病卒氏苦孀四十年前郡守嚴祥請旌表

劉應第妻陳氏 應第樂儒氏歸未久應第二十八歲卽病卒氏孀居至今見六十有三玉潔冰清始終如一鄉人咸欽佩焉

儒童馮承澍妻張氏 年十五歸承澍爲室二十八歲承澍病卒生四子嘗幼家甚窘氏艱難撫育終致成立次第爲四子授室後孫曾繞膝享年八十有九始歿孫汝漢樹勳咸列膠庠亦苦節之報云

蔡之龍妻梁氏 係監生梁泰女年十九于歸適週生一子又明年生一女計結褵五載而夫卒氏年二十有四時子女幼釋氏矢志不二端正儉勤操家政不辭勞瘁上奉翁姑下育子女及子女長成拮据婚配晚年孫曾濟濟壽至九十無疾而終守節六十有五年前已逝旌鄉坊

把總蔡永蘭妻鄒氏 年甫及笄適永蘭爲室咸豐四年冬永蘭攻擊遠義府雷臺山賊巢陣亡時氏年二十四歲堅志守節爲翁姑養生送死子女婚嫁皆氏支持艱辛備歷氏卒于五十二歲守節二十八載旌列入總坊

張開科妻蔡氏 年甫及笄歸開科爲室結褵歲餘生一女開科遠出軍營繼聞病歿氏矢志守貞善事翁

姑鞠育孤子不幸孤又夭折家計極貧氏惟勤操女紅以供菽水數十年不改至光緒乙酉病卒享年七十有奇守節四十餘年

樊宗和妻張氏 武庠張祖龍女年十七適宗和為童生子女各一二十三歲宗和出外旋聞入湖北軍歿

于陣家蕪黃氏夜勤女紅日課農事甚至田野耘耨躬親不恤旬伏竟以膝行異常艱苦見者憐之撫成子

女皆以時婚嫁惟早歲未亡見稱雙溪長樂致令晚年失勇洵足悲已壽終六十五歲守節四十三年

曹汝勵妻郭氏 守節郭致剛女汝勵卒時氏二十七歲遺孤樹倫甫週歲教育成立獲入邑庠氏猶及見

之歿于四十八歲守節二十一年

郭致剛妻蔡氏 致剛病歿時氏二十三歲生子國瑞方三週矢志不移守節二十二年四十五歲壽終

數生仲妻龍氏 年二十四歲生仲病卒氏矢志柏舟生子天翔甫兩月艱難撫育底于成立氏終于五十

一守節二十七年

處士文大年妻詹氏 庠生詹德科女大年卒時氏二十四歲生子二應用應磨皆幼小由是矢志撫孤堅

貞不二享壽五十四歲守節三十年

劉思斌妻文氏 思斌卒時氏二十九歲年五十六守節二十八

庠生劉思和妻羅氏 二十五歲夫故氏見年五十八守節三十三年

楊再拔妻徐氏 為廩生萃道祖母年二十二歲再拔卒氏撫孤守節四十餘載年近古稀始歿已旌總坊

盡生胡廷春妻劉氏 氏為監生劉春靈女廷春本籍新化道光三年回籍就婚與氏來對事舅姑以孝聞

明年舉一女又逾年舉一子皆殤時祖姑楊氏春秋高望曾孫切又二年生子其俊舉家皆喜十年春廷春

赴飲醉歸臥吉貝子上得潮溼病醫者誤投藥餌未數日卒氏時年二十有四舅姑初慮青年難守繼察其

志堅心竊慰之其俊稍長出就外傳晚歸氏燈下課讀其嚴遂為諸生道光二十九年正月鄰不戒於火延

燒居宅祖姑楊氏姑伍氏尚在室氏扶掖出避時火已及門少遲則無救矣火滅諸婦媿篋笥首移出惟氏

所有悉付一炬里黨咸嘖嘖歎之咸置五季救匪陷城時姑伍氏已故祖姑楊氏年九十餘氏護持登舟貨

財悉置不顧後氏卒年五十七歲守節三十三年孫長松癸酉拔貢十三年巡撫曾璧光上其事奉旌表如

庠生羅廷楠妻王氏 王鎮清女二十歲于歸甫六載廷楠從戎歿于軍氏守節三十七年家貧矢志備歷艱辛

向茅妻張氏 張大升女歲二十于歸方二載夫病卒守節三十年孀姑違老奉養竭誠

張聯魁妻胡氏 胡大新女歲十七于歸結縭三載夫故氏守節三十年家貧勵志遺腹有成

徐朝昌妻蔡氏 蔡殿邦女歲二十于歸甫二載夫歿見五十歲守節二十八載聞訃矢志撫孤成立

蕭第先妻楊氏 楊得蛟女歲十九于歸僅三載夫故見五十歲氏守節二十七年養親教子慈孝全貞

學生劉應武妻楊氏 楊再發女年十八于歸三載夫故氏守節四十三載盡孝撫孤無忝婦職

武庠羅縉妻伍氏 伍之珍女歲七十于歸十九歲夫故守節四十八年氏盡孝撫孤孫曾昌熾

陳開瑞妻劉氏 劉魁嶽女年十七于歸二十五歲夫故守節四十九年氏盡孝撫孤孫曾昌熾

庠生陳邦棟妻高氏 年二十于歸甫一載夫故守節三十二年茹藥飲冰教子成名

陳開翼妻羅氏 羅雲秋女年二十于歸結縭二載夫故守節四十六年氏矢志堅貞初終一致

曹廷仁妻王氏 王國相女十八歲于歸聞八載夫故守節三十二年氏冰潔完貞撫孤成立

陳亨昌妻楊氏 楊再昭女十八歲于歸三載夫故守節二十五年而及氏天年有別完貞則一

陳璋昌妻楊氏 楊再昭女十六歲于歸二載夫歿守節三十二年見五十歲

毛大同妻劉氏 劉懷信女二十三歲夫故見五十五歲守節三十二年

何景維妻洪氏 年二十八夫故見五十七歲守節二十九年

石宗文妻黃氏 年二十七夫故見七十八歲守節五十一年

增生徐元點妻劉氏 年十七于歸二十四歲夫赴秋闈卒于省垣氏撫孤成立艱苦備嘗守節二十六年見存

庠生楊書江妻陳氏 年十九于歸次年一盞雙離不育年二十一夫故氏守節二十九年見五十歲

陳朝結妻朱氏 年十八于歸生子二十九歲夫從戎病歿氏撫育諸孤孝事養翁壽八十餘歲至喪葬

皆氏支持守節二十八年五十九歲卒

李獻廷妻王氏 年二十于歸二十四歲夫故守節三十年見五十餘歲

儒士姚邦吉妻張氏 氏于歸未幾邦吉病歿矢志不貳艱苦全貞經書學可以氏三載失夫終身守節奉翁姑而媳可代子撫幼稚而母實兼備具詳

岸上姚霖邦妻張氏 年十七于歸二十一歲夫歿孤成立守節四十三年壽至六十四歲

儒士姚德隆妻張氏 年十六于歸二十五歲夫歿茹荼飲冰撫育二子至於成立見年六十一歲

儒士楊心珠妻吳氏 心珠弱冠得癩疾時氏年方及笄心珠父母向氏家密商曰吾子疾既不治恐弗永

年爾女不知另字氏聞而恚曰此身已屬楊姓有何異隨疾即難纏擇繼立後非無可也購醫死自甯兩家

知不能奪其之成雖不數歲心珠果弗起翁姑以親支子名璿亭者繼之後娶媳連生五子璿亭甫三十復

夫婦相繼歿氏撫育諸孤孫教養婚配次爾成立亦顯勛哉壽至九十歲始卒長孫德重顯敘八品次孫德

粹以名諸生屢膺薦賞成均四孫日新保訓導加捐分發廣東縣丞五孫再標及德富子凌雲均由軍功

保藍翎把總三孫德沛早歿其配舒氏矢志守節課子義方壽至六十長子凌漢以府長壽入泮第一己卯

貢成均就職教諭次子凌池年二十二故妻舒氏亦立繼守節見年五十有五人無聞言故鄉人有楊氏三

節之稱後凌漢子世勳世燕同時入泮食餼燕復中壬午副榜由此觀之天之所以報苦節者洵不爽矣

孟許氏 太學生許宏遠女適孟敬唯子爲室數年夫故氏撫孤成立翁姑喪葬曾氏一身經理鄉里稱焉

龔煥氏 處士龔傑充女適龔光獻子爲室同治間隨夫貿易洪江生一子夫即故氏艱難扶柩還里葬于

先塋矢志守節備極苦辛撫子以及成立

楊彬秀妻張氏 鄉庠張掄元女于歸甫三載生一子彬秀即故時氏年二十五歲守貞不二延師教子後

入泮食餼屢膺薦薦氏壽至七十五而終

儒士楊再發妻張氏 年廿一歲適再發爲室生一子傳政甫四齡再發即故氏上事翁姑下撫孤子後繼

或列名膠庠孫植三相繼入泮皆氏義方所訓見氏壽近八旬猶若五六十許人殆天之所以默佑苦節歟

余魁位妻易氏 易世杰女十八歲歸魁位爲室未幾魁位身故遺腹生子成續矢志撫孤事舅姑盡孝繼

妻族黨無間言子稍長教之讀書佐以紡織見已能應試矣

綱仁府志卷之十四

貞烈明

劉仁女展秀妻郭氏張氏 展秀仁之次女年十六隨父赴任廣西梧州仁卒于官女扶襯還至昭平莞藤

灘值猪猪劫舟展秀盧被辱挽父二妾郭氏張氏同時赴水巡按御史驚端蒙上其事旌曰清流三烈建祠

崇祀(事詳劉時果傳)

徐盧氏偶志存名 未詳事實

盧徐氏偶志存名 未詳事實

國朝

鄧舒氏 氏為大江坪鄧姓婦江宗門舒氏女也夫佚其名方議婚時夫已病矣因俗有新婦入室喜可

讓災之說故氏乘夫病來歸于鄧入門無幾徵見顏色孝以事親侍夫湯藥日諱未幾夫病益劇謂曰我

病不能瘥矣我死女必再適人當亦如事我時母念我我自苦也氏曰脫不幸自有所以為計者慎勿為慰

言已而泣是夕夫歿氏哀號盡舍歃鼻棺出氏哭送之返身入室雉經而亡家人未及知也有時夫棺尙未

葬即以氏合葬于某山之陽探鄧吉 土撰傳

張大姑 為郡人張體濂之女大姑年二十五歲適思南朗溪司田茂奔二姑年二十二歲未適人康熙十

七年與三桂變亂兵過境搜山規掠二女懼聲辱相攜投崖死乾隆七年旌表

楊氏女 鄧楊姓移居龍頭營值逆苗出肆焚掠鄉人皆逃匿有女失父母所在惟祖母臥病在牀因見火

燄逼室苗呼噪乘之恐被污辱又不忍棄祖母乃背負祖母思他避至宅門力竭不能行未幾火及其宅女

負祖母竟坐化門限上顏色如生衣裳無損若有為之呵護者苗退聚觀其衆咸以為奇云

盧龍妻徐 何氏 二氏俱郡人值亂兵逼城勢甚張風傳他處多被辱者二氏懼污俱自經死康熙九年旌

表 龍氏女 本郡壘坑龍姓有二女逆苗入村強欲污辱姊妹以計紿之引至懸崖處相攜赴水死苗銜甚以

巨石覆壓而去

備棄鄧玉書妻舒氏 氏于歸甫一載玉書染沈疴不起願謂氏曰我決無活理汝年極少且無子女我家又貧我死汝其擇善而嫁勿以我爲念氏泣曰君自珍重調養或當痊愈萬一不幸決不更適十月十九日玉書卒氏親爲裝殮毫不假人翁姑恐其過哀三日卽謀安厝氏送柩出反器入室尋自縊時年十五歲翁方視葬聞而嘆曰不意吾家貞婦出于童年何德堪此乘未掩土卽命具棺合葬之觀者無不歎泣下夫以弱齡女子未嘗學問乃能守從一而終之義從容暇豫視死如歸可不謂賢歟姑紀之以俟採風者擇焉(錄劉朝昨撰傳)

張侯氏 偽志存名 未詳事實

秦氏女 郡人秦姓寓盤朶有女許字楊姓子家貧目瞽女之父欲退婚女聞大驚自謂既受楊聘卽係楊姓人何得爲此不義堅志弗允父撻之女惟順受一夕伺父母既寢遂自縊母親而救之其父旋將女改字劉姓女未之知也及劉親迎到門父逼令上與女乃剪髮毀容並引刺入頸寸許血流不止俄頃卽卒然毫無痛楚態觀者嗟異此乾隆四十三年戊戌仲秋事

金氏女 郡人父母在日以女許字楊氏及父母相繼歿遺孤弟尙幼女矢志不嫁冀撫弟成立以承宗統未幾弟又夭折女憤恨傷感痛不欲生族人勸之終不釋一夕自經死人咸稱其孝云

按以上舊志所載

庠生蕭炯妻艾氏 十七歲適炯翁年古稀姑四十餘炯恆從學於外氏孝養備至偶以小故失姑歡姑性卞急呼炯至命出之炯仇讎頗篤然事母孝卽令氏大歸翁攝於內闔不敢言陰呼炯囑曰媳賢吾望孫切勿從爾母逆命也炯兩難之私乞人緩頰於母母意不同氏爲艾延暉女弟延暉畫策於己宅外別賃一居勸炯不時就之以期上慰父心並圖得間悟母也咸豐乙卯值大比炯以能文名方冀秋闈獲雋庶家難可解甫至中途聞噩更以軍事方殷請停科神志喪失嗒然而返及家遂病垂危其父喚媳歸侍湯藥氏入門卽向翁姑大泣翁亦泣姑意稍回數日炯竟不起氏爲料理殮身衣衾視舍餘從容若不甚哀人咸怪之翌三日往省墓俗稱圓墳氏自圓墳歸伏炯靈石痛哭移時聞者咸泣下哀止入室和衣臥床上家人初不介意謂過哀也及暮婢供晚膳往呼已氣絕始知氏於未臥時先仰藥矣時翁姑慮氏母家有違言方備備

及氏父至撫之不哭旁有獻解藥方者氏父笑曰卽能活非兒志也宜從其志人以其賢之謂是父是女後
延暉隨江忠烈殉節廬州忠臣烈女萃於一門義方概可想見炯猶子茲芝受業於炯炯素愛之臨殯
以廷芝承繼族有爭之者乃他屬後廷芝成明經嗣炯者不振廷芝以一子嗣炯爲孫奉宗祀其可謂不死
已

吳向氏 氏爲縣民向蘭桂之女姿容頗麗性復婉和適郡城西門外吳姓家雖貧而處之怡然其夫小名
麻子素好賭成豐大年冬初吳以賭債逼索欲嫁其於城內某議已定慮氏不從給之曰吾欲入城生已
租定店房擇于今日搬往氏信之及渡河入城微聞旁人竊議謂此婦素賢淑今墮圈套矣殊可憫憐旋見
有四五人尾其後復與夫耳語氏察情狀有異疑之其夫既給氏入城竊之事諸不爲防範氏僞作買餅
後于人叢中逃出東門欲歸母家家在黃蠟關去城十五里而遙急走至六家洞見其夫與五六人追將及
益信嫁已屬眞卽于洞前絕壁呼夫投河而死吳畏罪遠逸蘭桂又愚劣唯哭泣收埋而已噫使氏非烈性
天生以一身二事爲恥何不可忍活須臾後爲別計乃竟視死如歸若此如氏者可以風已

儒士王宗杰聘妻李氏 盧士李榮秀之女年甫十六未及于歸宗杰遽寢疾不起女聞凶耗泣言于父母
請往奔喪守貞父母憐其志許之由是以慮子稱未亡人奉翁姑以孝睦娣姒以和繼姪爲嗣教養婚配俾
至成立守貞七十餘年曾繞膝八十八歲始歿

儒士羅廷暄聘妻楊氏 盧士楊政友之女幼卽聰慧常執書求父講解父鍾愛特甚教識女經長端莊沈
靜許字廷暄爲室十六歲未及結褵忽廷暄病歿凶耗至氏嚶嚶飲泣撤環珞去脂澤告於父母請從一而
終乞轉禱翁姑許以奔喪守志父母叱曰汝年過稚守貞談何容易當爲汝另擇佳配毋得妄言女由是不
食晝夜悲啼父母憂之往白夫家翁姑且感且停乃停子柩於堂擇日迎女以成其志女送葬歸入廚作羹
湯奉翁姑侍養維暇則靜掩一室嫻寫罕見其面氏見年四十有六歲因遭亂夫家漸落無力請旌
儒童李懋實聘妻劉氏 氏爲郡庠生李正榮子婦內弟劉心明女也心明與妻早故氏育於季父心元慰

實十三歲自塾歸浴於河以溺死次日得尸殮以棺寄東嶽廟氏時十五歲聞耗撤去環珞易素服請於心
元曰姑遭大事宜在唁之心元不許氏乘閒自赴柩側匍匐哭甚哀遂盡畢往省姑心元屢促不歸正榮有

全家出避行至壩皂壘逆氣已逼家人不能顧各走匿他所賊遙見三妹少艾羣欲得之方爭趨聞三妹亟投水田水僅尺許懼不免以首深入泥中閉氣求死賊至以手提之衣襦淋漓微息遂絕賊舍之去次日賊退家人往視則七竅皆泥塞其中覓者無不泣下窺其貞心烈腸誠恐緩死須臾即有不得爲完人者故勇決如此若三妹者何可多得世之苟且偷生謀旦夕活而終至身敗名裂死亦相隨者以視三妹爲何如用是有深慨已

舉人唐仁沛妻楊氏 開治七年戊辰十月初九一苗逆竄擾攻陷天爲聖氏與夫兄仁溥繼室李氏見賊勢已迫懼受辱並攜庠生向明遠妻張氏投崖死同時殉難者大小男婦七十餘人亦已慘矣

廩生張西銘妻李氏 處士李朝暄之女年二十歲適西銘三年夫病日夕侍湯藥不怠夜祝司命前願減己算代夫無何夫卒姑六旬餘家無次丁且貧甚幸有遺腹子姑慮不能守恆抱呱呱者流涕氏窺知姑意截髮爲誓竭力操作求升合以養姑詎子甫十齡復夭姑婦搶呼心胆俱裂鄰里皆不忍聞氏慮姑過悲嘗掩泣奉侍維爾姑逝竭力營葬後值苗逆亂逆氣漸逼氏一身孑子恐不幸遭辱有玷清白閉戶自經死時四十八歲守節二十七年氏死之日遠近悼嘆咸泣下焉

儒士張志器妻吳氏 吳廷翔之女年二十歲適志器侍巾櫛五載夫病故遺二子均幼及孀姑年邁誓厲冰霜冀盡孝養同治元年三月蕭逆襲破張家壘氏與次媳楊氏被賊持刀逼索賈財楊氏見勢迫哀求釋姑嘗有所酬氏聞風聲叱媳曰死生命耳受辱則恥難濯矣哀求何爲誓不絕口賊怒殺之楊氏抱幼子痛姑遇害亦大罵與子同時被殺時氏年五十七歲

國學生王臨汝妻姚氏 處士姚靜成之女幼粗識字習內則于歸後克修婦職事姑以孝相夫敬恭族戚重之同治五年冬逆苗大股陡竄郡境閣樂避逃以負幼子與夫同行甫出門賊已四至促夫急走自知難免恐遭汚玷故爲罵賊激怒求速死賊立殺母子並支解之時 二十九歲賊退往無顏色若生所賣三子先後相繼卒終無嗣殊可憫已

王經元妻劉氏 庠生劉有輔之女幼字經元爲室初有輔冤死平江氏未于歸又二年始適經元同治四年十月賊會卒至走避不及氏親翁姑皆爲賊殺死最慘氏方深痛賊復欲辱之氏憤甚極口詆賊賊砍以

刃連數十下徧體鱗傷賊視氣既絕始舍之去次日家人往殮尙有微息良久猶能蘇翁姑被殺狀因痛哭血溢不止而卒

陳世治妻閔氏 世治歿時氏年二十一歲矢志守節以姪相周承繼慈愛備至同治五年氏五十九歲十月菴逆下竄氏遇賊不屈與人齡孫女同時被害

黃玉齡妻楊氏 氏性賢淑動必以禮于歸後玉齡喜遊蕩氏百端泣勸翁姑早逝奉祖母及諸伯叔皆起敬起孝宗族中咸欽其德同治丙寅冬菴匪突至家人逃散氏守禮母不忍離賊至欲擄氏氏不從逼之卽罵賊賊怒砍氏血流滿面暈絕於地賊謂已死棄之去良久復蘇時有婢在側氏謂婢曰我祇求速死爾護老人可也婢方勸解氏卽回身入田潛首于泥而死

譚雲錦女大妹 名羽銀許字郡鳳生黃鼎梅棧子統芳中表親也時年俱幼女性甚慧通書史常與姑母女交勉以貞潔相矢全家避難兩嶽嗣依姑母以居同治五年十月二十五日清江苗匪突至女方與姑母登舟見賊逼近謂姑母曰賊來倉卒欲自全惟有速死願姑母保重姑止之不得躍身投水而死

庠生譚雲錦妻臧氏 載世翼次女端莊靜一在閨中時卽喜聞節烈事于歸後孝翁姑敬夫子勸合內則自經變亂艱苦備嘗避居於南嶽嗣姻家同治五年冬逆苗忽至雲錦收租未歸子尙幼翁年八旬氏以翁步蹇滯扶之出逃翁曰我年邁死亦何傷汝亟去無受污辱且汝死孫將何依氏不可翁再三強之終不忍去賊至欲擄翁衣氏泣求免賊不聽以刃刺翁憤奪刃斫之氏大罵至死不絕口誠爲孝烈兩全云

黃永齡妻徐氏 氏幼慧能識書沈靜寡言生二女俱幼同治五年冬逆苗擾境家人星散氏以翁老須扶持不忍跣步離賊至持刀欲殺翁氏跪乞請釋賊不許氏見翁傷撲地憤而罵賊賊抽刃刺氏氏返身投水而死

黃松齡妻聶氏 處士聶經緯之女氏幼通書史秉性貞良言笑不苟年二十于歸琴瑟甚篤生女不育同治五年冬逆苗猝至值氏歸甯聞夫家避難全室入城祖母受驚棄世翁姑負創夫復身殉氏日夜哀號謀欲奔喪時賊氛密邇道梗未通家人羣相勸阻氏終不可歸至門見翁姑傷重雖痛夫死惟暗自飲泣恐增翁姑悲慟翌日請于翁姑往祭祖母與夫墓翁姑許之命老嫗及婢偕焉囑以祭畢早歸初不料其有死心

也氏臨行囑姑翁保重勿思子過切至墓祭畢以計遣婢媪去乘間從江潛絕岸投水死婢媪返覓不見沿岸尋之忽視中流有屍裹白巾知爲氏亟呼人往救見氏衣溼未及胸獨氣息已絕內襦下裳皆針線密縫觀者無不泣下嗚呼女子殉夫本于至性惟從容就義若此實近今所罕見已

監生馮亨爵妻張氏 豐萬春之女丙寅冬張母病氏歸省母清江苗徭城亨爵往逆之行抵淺灘爲賊所及氏願請亨爵速逃無以妾累亨爵強氏共涉賊以戈逐之亨爵浮水而逸賊執氏登岸氏給之曰苟饒妾命願從若去拔簪珥授賊賊啓腰囊納入氏乘間投水深處賊怒抽刃由後勢之死於河年二十有二

沈際武妻翁氏 太學生翁鳳池之女幼從父受內則女經諸書適際武爲室生二子一女際武援例入國學督理團務同治丙寅以苗變築營於滑石封泥濶十月下旬賊氛逼近際武率鄉人避洞中督衆守之賊勢甚銳蜂擁而上頭卡見奪反走者輒傳際武被殺氏聞泣曰夫已死妾何生爲以子女付嫂王氏引刀自刎時際武退保二卡驟聞氏刎將死諭衆勿驚入視氏奄臥石壁下急合創痕勒水噴之血止漸有氣息際武曰何適至此襁褓孩誰託氏開目視但飲泣久之始能言際武知營難守夜伺賊懈與從姪某賈氏攜子女由後溝遁往他處獨日澗破死者無算氏亦卒不能救嗚呼其烈矣哉死時年二十餘鄂庠生沈兆麟其孫子也

喻宗林妻蔣氏 蔣文智之女同治五年正月二十五日苗逆入境屬賊不屈遇害

喻宗恆妻廖氏 恩貢生廖瓊仙之女兄同治五年正月與蔣氏同日屬賊遇害

拔貢楊備英妻嚴氏 氏年十九適備英爲室伉儷甚諧克教婦道同治乙丑冬因母疾歸省值土寇包茅仙餘黨險結三元關窺擾牛場坡一帶逼近母家全室星散氏方抱病不及出走乃匿空室緊掩重門持利刃自衛賊至敲戶不開由窺窺見氏霜鋒在握礙難干犯欲入不敢途縱火焚之氏懼賊尋死不移與房宇同燼賊退備英尋得遺骸痛哭掩葬如氏者殆亦見危授命深識儒書慷慨捐生有同烈士者歎子二姦善培善時尙幼稚厥後力學有成皆爲鄂廬生氏可謂不死矣

陳紹恩妻羅氏 氏爲附少保羅兩春之妹十八歲適紹恩爲室同治五年逆苗窺擾鄂境氏偕紹恩奉病姑隨避行未遠賊尾追將及氏謂紹恩曰君護母亟行妾自爲計無以兼顧果也賊至氏恐受辱以手緊抱